

1 Korinti

Pauloŋe kulem ire kulemgoep.

¹ Nâmâ Paulo Yesu Kristo yâkgât Aposolo Anutunje emelâk Aposologât âiân makmâ katnegep. Nâ akto galanenŋe kotŋe Sostene olop

² Korinti kepian gâtŋe Anutugât kâmot yengât kulem ire kulemgoet. Uliknân Anutunje ikinje hanŋe watmâ oloŋ yekmâ nângât dâtâŋe dâm yengonlep. Yengondo Anutunje ye akto luâk bikŋe bikŋe yâgâten manmai amâ Yesu Kristo amâ Humonenŋe dâm manmai ye akto nen hârok Humonenŋe dâm konmaen, arekŋe nen hengemgo nenekmap.

³ O galalupne, nâŋe Anutu Ewenenŋe akto Yesu Kristo Humonenŋe yengât hin ulityetkiman. Korinti gâtŋe yengât biwiyenje mem hengemgom damunyenje akmâ okot nângâyengim biwiyenje sândugeâkgât akyengimbela hainâk tatmâ âgâwai. A bundâk.

Pauloŋe Anutugât nângâmbo ârândân agep.

⁴ Akto Yesu Kristoŋe biwi âlep akyengim damunyenje akmap aregât Anutu âlepŋerâm aregât Anutu okot âlep nângâ aŋmâ mepainje meman.

⁵ Akto Anutunje Yesu Kristogât akmâ wât yengimbo den bunŋe dâmbiâ nângâ nângâyene akto denyenje âlepŋeâk miawak yengiep

⁶ aregât nen Kristogât keiŋe makyengiyion ain Anutunje nângâ nângâyene hulaŋ yengim meme akyengimbo dennenŋe bunŋe agep.

⁷ Hain akto sop hinŋe amâ Yesu Kristo lâuwâŋe purik katbiap dâm lâmgomai amâ Anutuŋe wan me wangât laune lokowaigât umburuk akbâirâm tânyengumap.

⁸ Akto sop kâlep manmâ hâkân akbâigât yâkŋe tân yengumap aregât Humonenŋe Yesu Kristo are lâuwâŋe purik katbiawân ainâk ye han biwiyenŋe âlepŋeâk okot âlewân kinbai.

⁹ Akto Anutuŋe emelâk nanŋe olop biwi konok manŋetgât makmâ hâriep are bunŋe bo akbopgât dop bo tatâp aregât Humonenŋe Yesu Kristo olop biwi konok manmai. Manbiâ âmâ siân Yesu to-gowiawân yekto dosayerŋe bo akbiap.

Korinti gâtŋande potalagi.

¹⁰ Galalupne, ye Yesu Kristogât kotŋe mem agatmâ lau lokoanmai aregât agak meme hin akŋet. Ye hârok agak meme konogâk akbei. Akto bo potalakbei. Akto ye hârok nâŋgâ nâŋgâyerŋe konok akto han biwiyenŋe konok akmâ manbei.

¹¹ Aregât lâuwâŋe makbe. Âmbâle siâ kotŋe Kolowe yâkgât kâmolân gâtŋe bikŋe nâŋgâlân to-gom hin makniŋi, “Galalupge Korinti hânân man-mai areyenŋât hutyenân kuk humo yendâp.” dâyi.

¹² Akto yengâlân gâtŋe bikŋande hin dâmai, “Nen amâ Paulogât kâmolân gâtŋe.” dâmai. Dâ bikŋande amâ, “Nen amâ luâk siâ kotŋe Apolo yâkgât kâmolân gâtŋe.” dâmai. Dâ bikŋande amâ, “Nen Petorogât kâmot.” dâmai. Dâ bikŋande amâ, “Nen Yesu Kristogât kâmot.” dâmai. Ye hain dâmai aregât nâŋgâre ârândân bo akmap.

¹³ Akto yenŋât pat nâŋgâm âmâ hin nâŋgân. Kristo amâ potalakmâ bikŋe bikŋe bo agep. Akto

nâñe yengât dumyênân lâwinân bo kilân. Nângât kolân tuân bo kat yegi.

¹⁴ Yengât hutyenân luâk lâuwâ siâ kotñe Kirisipe akto Gaio, yâk konok tu puli yelegân. Dâ luâk bikñe tu bo puli yegân aregât nâ Anutugât okot âlep nângân.

¹⁵ Ageine yengâlân gâtñe bikñande, “Nen Paulo kotñe kondennê tu puli nenegi.” dâwai aregât dâp bo tatâp. Gârâmâ nâ Anutunê wan me wan agep aregât okot âlep nângâ anman.

¹⁶ Woe, nelâm ninâp. Bundâk Stepana akto yâkgât kâmot amâ tu puli yengiân. Dâ yengât kâmot bikñe amâ tu puli yengiân me bo amâ bo nângân.

¹⁷ Aregât hin makbe. Nâ Kristonê luâk âmbâle tu puli yekben dâm bo hungun ninêp. Nâmâ Anutunê hin dâm makninêp, “Den pat âlepñe are makyengiwen.” Amâ luâk nângâ nângâgât bo makyengiman. Hain akman dâine Kristonê lâwinân moepgât kârikñeñe yânñe akbop.

Yesu amâ Anutugât kârikñe akto Anutugât nângâ nângân.

¹⁸⁻¹⁹ Akto Yesu lâwinân kombiâ moep aregât den pat âlepñe aregât keñe makyengiwe. Anutunê makto Yesaianê kulemgoep aregât bikñe hin tatâp, “Nâñe nângâ nângâ luâk yengât nângâ nângâyene mem bâliwian. Akto nângâ nângâyene olop yâk yengât den kondere gewiap.” Anutunê hain dâmbo bunñe akto luâk âmbâle bikñe wan me wan akmâ hilipkowerâm Yesu lâwinân kilep aregât denñe makmaen are amâ den yânñe dâmai. Akto luâk âmbâle bikñe Anutunê menenekmap nenñe aregât nângâm amâ lâwingât denñe hengem nengumap

aregât den are âmâ Anutugât kârikne mem mi-
awakmap dâm nângâmaen.

²⁰ Aregât nângâ nângâ luâk amâ yâgâte? Dâ
luâk biknande kulem siâ siâ oyanmâ nângâm
hengemgomai âmâ yâgâte? Dâ sop iregât keiņe
nângâ nângâ luâk amâ yâgâte? Âmâ Anutuņe
hângât nângâ nângâ mendo yânņe akmap.

²¹ Aregât keiņe amâ hin. Anutu nângâ nângâņe
humo yendâp aregât nângâm ikinæet hanņe watmâ
hin dâep, “Luâk âmbâle nângâ nângârâ arekne
nângât keiņe nângâwaigât dop bo tatâp. Akto
nângât hon bawa luâk den pat âlepņe makbai
aregât pat nângâ nângâ luâk are nângâm den gulip
dâwai. Gârâmâ luâk âmbâle bikne den pat ire âlepņe
dâwai.” dâm aregât hunņun nengimbo maktenņe
luâk âmbâle biknande biwiyeņe Yesugâlân katbiâ
Anutuņe hengem yengumap.

²² Yuda luâk âmbâle kulem membiâ ekne dâm
aregâlâk nângâmai akto Yuda luâk âmbâle bo man-
maiņe nângâ nângâgât keiņe hekat nengimbiâ
nângâne aregâlâk nângâmai.

²³ Gârâmâ nenņe yengât ukenņe bo watmâ
Kristo lâwinân moep aregât makmaen den are
Yuda luâk âmbâle arekne nângâm, “Den ire
hiangimai.” dâm hâkân akbiâ nângâ nângâyeņe
gulip akmap. Akto Yuda luâk âmbâle bo manmaiņe
are nângâmbiâ yânņe akmap.

²⁴ Dâ Anutuņe nângât dâtâņe dâm oloņ ne-
negep nen Yuda luâk âmbâle me Yuda luâk âmbâle
bo manmai nen hârok hin nângâmaen, Kristoņe
amâ Anutugât kârikne miawagâkgât lâwinân kom-
biâ mondo Anutugât kârikne akto nângâ nângâņe
humo miawagep nângâmaen.

²⁵ Amâ hin. Anutuŋe makto nanŋe moep are bikŋande nâŋgâmbiâ yânŋe akmap arekŋe luâkgât nâŋgâ nâŋgâyeŋe ewangimap. Akto Anutugât nanŋe moepgât nâŋgâmbiâ gemap arekŋe luâk yeŋgât kârikŋeyeŋe ewangimap.

²⁶ Galama, hinŋe maktân aregât keiŋe makyenŋire nâŋgâŋet. Yeŋe agak memeyeŋe akmâ memini are nâŋgâi me? Anutuŋe yeŋgondo yâkgât kâmolân dewatiyi aregât nâŋgâm heŋgemgowe. Yeŋgâlân gâtŋe bikŋande nâŋgâ nâŋgâyeŋe aregât luâk âmbâle bikŋande nâŋgâ yeŋgimbiâ geminep. Dâ yeŋgâlân bikŋe luâk kârikŋe bo miawakyeŋgiminep. Akto bikŋe luâk kotdâ bo akmini.

²⁷ Gârâmâ Anutuŋe aregât luâk nâŋgâ nâŋgârâ are hanâk dâm luâk dewunyeŋân humomo akmâ âgâ âgâŋe akmai are âmâ aŋun meyeŋgiwiapgât luâk âmbâle yânŋe gegenŋe dâm nengomai nen âmâ oloŋ nenekto nâŋgâ nâŋgâ luâk âmbâle arekŋe nenekmâ aŋun aŋim pâpkomai. Akto luâk âmbâle bikŋe, “Kârikŋe akmaen.” dâmai are Anutuŋe aŋun meyeŋgiwiapgât luâk âmbâle yânŋerâm nengonmai nen amâ oloŋ nenekto luâk âmbâle kârikŋe arekŋe nenekmâ aŋun aŋim pâpkomai.

²⁸ Akto Anutuŋe luâk âmbâle âgâ âgâŋe kotdâ yeŋgonmai are yânŋe akbaigât luâk âmbâle yânŋerâm nengonmap. Nen âmâ oloŋ nenekto luâk âmbâle kotdâ are amâ hâmbâi aŋun aŋim yânŋe akbai.

²⁹ Anutu wangât hain akmap? Hingât. Siân Anutugât enemŋân kinbaenân siâŋe ikinŋe kotŋe mem agatbiapgât dop bo tatâp.

³⁰ Aregât Anutuŋe ikinjak konok heŋgem yeŋguep.

Akto Anutuŋe ikinje konok Yesu Kristo olop dewati nenekto kindenŋe manman âlepŋân kat nenegep. Akto areâk bo. “Yesu Kristoŋe nâŋgât kâmot wan me wan umburuk manbâi aregât bunŋe yeŋgiâk.” dâm huŋgun aŋep aregât nâŋgâ nâŋgânennje mi-awakmap. Akto Anutuŋe nenekmâ dosayenje bo tatyenŋiâp dâmap are miawagâkgât huŋgun aŋdo giep. Akto aregâlâk nâŋgâm yâkgât lau lokomaen aregât wan me wan Yesuŋe âi mendo hain agep. Akto Yesuŋe hin dâep, “Dosa akmai aregât Ewe-nande kuk bo akyenŋiwiapgât nunaet kâmot yeŋgât dumyenân kinbian.” dâep are bunŋe miawagâk dâm ikinje nengât dumnennân kilep.

³¹ Aregât Anutuŋe makto Yeremiaŋe hin kulem-goep, “Luâk âmbâle yeŋaet kotyenje bo mem agat-bei. Humo nenŋaet kotŋe mem agatmâ heronje aganbei.” Hain yendâp aregât keiŋe miawakto kotnennje mem agatbaengât dâp bo tatâp.

2

Pauloŋe lâwin parâŋaet keiŋe makmâ miawagep.

¹ Galama, aregât nâŋe yeŋgâlân togom âmâ Anutugât pat makyenŋiwerân âmâ luâk kotdâ are yeŋgât pat bo makyenŋiân akto nâŋgâ nâŋgâ humo olop bo makyenŋiân. Bo.

² Yesu Kristo lâwinân moep aregâlâk makyenŋiân.

³ Akto yeŋgâlân pup pup togoân sop ain âmâ kârikŋe bo miawak niŋep. Akto hamep akmâ ongâ hogo hogo malân.

⁴ Akto den magân are amâ luâk nâŋgâ nâŋgârâŋe makmai hain bo magân. Amâ

Anutugât Heakñande meme akyengimbo nângât den nângâmbiâ kârikñe agep.

⁵ Akto luâk yengât nângâ nângâyeñande tân yengumbo nângâwâi dâm makyengiân. Amâ Anutunje tânyengumbo han biwiyene yâkgâlân katmâ manmâ nângâ anbei dâm makyengiân.

Anutugât nângâ nângâ kârikñe.

⁶ Gârâmâ Yesugât luâk âmbâle bikñe handâ are Anutugât keñe nângâwerâm aktâi are nângâ nângârâñe den makyengimaen. Akto nengât den ire amâ nângâ nângârâ luâk kembu manmai are hâmbâi yânñe akbai aregât den hainare bo mak yengimaen.

⁷ Bo. Ulikñân Anutunje hân himbim bo liulewân ain den keñe nângâm hengemgom hin dêep, “Nângât kâmot han kau akmâ manman âlepñân manbai.” dâm makmâ kalep. Anutunje hain nângâmbo luâk âmbâle miawakbiâ den nângâ nângâ are heambugep.

⁸ Akto hângât luâk kembu humomo mali irekñe den pat iregât keñe bo nângâyi. Bo dondâ. Dâ nângâyi dâine amâ Pagalenje Ambone Humonenñe are lâwinân bo kombâi.

⁹ Aregât Anutunje makto kulemgoyi bikñe hin tatâp,

“Anutunje yâk han kalem agañmai yâk yengât pat mem yengiwiap are amâ luâk âmbâleñe bo ekmai akto bo nângâmai. Akto han nângâ nângâyeñande bo nângâm hengemgomai.” hain tatâp.

¹⁰ Are bunñe miawakto Anutugât Heak are hunñun anño biwinenñân mendo kotñe siâ siâ are

nângâm hengemgoyion. Aregât keiñe amâ Anutugât Heak kârikñe are konokñe ekmap. Ain tatmapgât Anutugât wan me wan are hârok ekmâ metemap.

¹¹ Akto luâk siâñe luâk siâgât biwiñe ekbiapgât dop bo tatâp. Dâ luâk are ikinak biwiñe kâlegen tatmap arekñe konok ikin biwiñe kâlegen ekmap. Aregât luâk niñande Anutugât nângâ nângâñe are ekmap? Aregât dâp bo tatâp. Anutugât Heak konok arekñe Anutugât wan me wan ekmâ nângâmap.

¹² Anutuñe hângât nângâ nângâ bo nengiep. Borondâ. Gârâmâ Anutuñe, “Nângât kâmot wan me wan owâi akmâ yenñiwian are nângâñet.” dâm ikinæet Heak kârikñe hunñun anño kautnennân miep.

¹³ Akto hângât nângâ nângâñe bo watmâ amâ Anutugât Heak kârikñande kautnennân memap arekñe den pat âlepñe maknengimbo den keiñe hekat yenñimaen. Akto nen Heakgât den bunñe aregât makmâ den patñe makyenñimaen.

¹⁴ Dâ luâk âmbâle bikñe Anutugât Heak arekñe bo meyegep arekñe Heak âlepñe are wan me wan nengimap are bo memai. Aregât lâuwâñe makbe. Hângât luâk âmbâle arekñe, “Woe, Anutugât Heak âlepñe arekñe luâk âmbâle wan me wangât bi-wiyenñe Anutugâlân katmai are yenñimap are amâ yânñe.” dâm hâkâñe akmai. Hain dâmai aregât Anutugât Heak âlepñe arekñe okot âlepgât ikinæet wan me wan luâk âmbâle hain akmai are bo yenñimap.

¹⁵ Dâ nen biwinenñe Yesugâlân kalion nengât keinennñe amâ hin. Kristogât nângâ nângâñe emelâk nengât biwinennân talep aregât wan me

wan hâkgât siâ siâ are potat yengimaen aregât luâk siâne hâknenne tunmâ denân bo kat nenekbiap.

¹⁶ Aregât Anutuŋe makto Yesaianje hin kulemgoep,

“Luâk âmbâlene Anutuŋe wan me wan nângâmap are nângâm hengemgowaigât dop bo tatâp. Akto siâne Anutu nângâ nângâ hekalanjbiapgât dop bo tatâp.”

Gârâmâ nenâmâ Kristogât nângâ nângâŋaet den mem manmaen.

3

Korinti gâtŋande potalakmâ bikŋe bikŋe agi.

¹ Galalupne, nâ yengâlân togo tatmâ ye hângât nângâ nângâ nângâmai aregât nâne ye nananj gurukŋe yengât dop akmâ Kristogâlân biwiyeŋe getek kali dâm yaiwâk den yeukŋe makyengiminiân.

² Akto ye sot kârikŋe nemberâigât dop bo aregât nananj gurukŋe dop hainâk manmai dâm sot lâwindâk kârikŋe bo yengim âmâ namâk hainâk yengîân. Akto hinne hainâk biwiyeŋe Yesugâlân kârikŋe bo kali.

³ Yeŋe galalupŋe gasa akyengimai akto potalakmai aregât hin dân, Ye âmâ hân luâk yânne akto Heak bâlâk akmai dân.

⁴ Ye bikŋe, “Nen Paulogât kâmot.” dâmbiâ bikŋande, “Nen Apologât kâmot.” dâmbiâ papalakmâ kotyeŋe mem agatmâ galagât hogo hogo akmâ nângâ anjimbîâ gemap aregât hângât luâk âmbâle hainare akmai aten.

⁵ Apolo amâ wan akmap? Paulo nâmâ wan akman? Net amâ hoŋ bawa Anutugât den

makyengietne nângâyi. Aregât Kembuñe âi makmâ hârenetkiep dop areâk meyiôt.

⁶ Nâmâ alekñe mem kâmelân. Dâ Apolo amâ âi hele aregât âiñe miep. Dâ Anutuñe âmâ memeñe wanço bunñe miawagep.

⁷ Aregât mem kâmetman nângât bo makbaen. Akto âi hele memap yâkgât gai bo makbaen. Meme agaño bunñe miawakmap Anutu yâkgât konok makbaen.

⁸ Akto mem kâmetman akto âi hele akmap net dopnetne konogâk. Aregât hâu âmâ âi netñaet dopñân mem potatmâ memaet.

⁹ Net Anutugât bât tângo, dâ ye âmâ Anutugât âi akto Anutugât emet.

¹⁰ Aregât Anutuñe han kalem akmâ meme akniñep dopñân nâ emet mângim bunñande hambo tetembeñe kârikñe kât are katere giep. Dâ nen hârok emet mângi mângigât âi damunñe akmâ manne.

¹¹ Akto hambo gem kindâpgât Yesu Kristo mem petâm panmâ siâ katenñe gewiap aregât dop bo.

¹² Akto den dopñe maktân are dewatim makbe. Luâk siâñe tetembeñe are kakñân âi âlepñe mem âmâ kât goli me siliwa me puli humo panmâ lâwin kârikñe âlep âlep are mem âmâ emet kârikñe ketuguwiap me dowâk metewerâm konam akmâ lâwin yânñe me dakerâ mâpmâñe hanâk hanâk mem togo ketuguwiap.

¹³ Benñe hilâm siân umatñe miawakmâ kâlâpñe ondo âmâ luâk âi miep aregât keiñe miawakbiap. Âlepñe me bâleñe miep aregât keiñe miawakbiap. Dop hainâk nen Yesugât âi mem manmaen amâ hâmbâi Anutuñe sop humoân nengât âi dop kom

ekberâm âmâ kâlâp kato ondo nengât âi meme gain gain hinare miawakto ekbaen.

¹⁴ Akto luâk siâñe Yesu emelâk meyi are yengâlân arim ain âi âlepñeâk mendo kinbiâ Anutuñe dop kom ekmâ âlepñerâm hâuñe âlepñe wanbiap.

¹⁵ Dâ luâk siâ âi mendo kâlâpñe wan me wan oando âiñe akto hâuñe bâlâk tatmâ manbiap. Dâ ikiñe âmâ kâlâp ululunñânba âlepñe tatmâ âgâwiap.

Nen amâ Anutugât opmân bunñe.

¹⁶ Galalupne ye âmâ Anutugât dengât opmân aregât Anutugât Heakñe biwiyenñân tatmap. Are bo nâñgâmai mon?

¹⁷ Akto Heak âlepñande emet ain tatmâ nen olop manmap. Aregât gasalupnenñande Yesugât kâmot gasa aknengiwerâmbiâ Anutuñe, “Kâmot ire amâ nâñgât aregât nâ olop manmai.” dâm gasalupnenñe yengumbo mombai. Amâ ye Anutugât sumbe emetñe hainare aregât.

¹⁸⁻²⁰ Akto Anutuñe makto siâñe hin kulemgoep, “Anutuñe nâñgâ nâñgâ luâk are yengât nâñgâ nâñgâyene are mem âmâ luâk are yengumbo gulip akbai.” Akto bikñe hin tatâp, “Humoñe âgâ âgâñe luâk yengât biwi nâñgâ nâñgâyene amâ ekto yânñe akmap.” hain tatâp. Aregât hângât nâñgâ nâñgâ amâ Anutuñe ekto bunñe bo akmap. Aregât ye biwiyene bo hianñei. Akto luâk hutyenñân gâtñe siâñe, “Nâ hân iregât agak meme watmâ manmâ nâñgâ nâñgâne humo aktâp.” dâmap amâ yâkñe nâñgâ nâñgâyene are hamianñdo hângât luâk âmbâle ekmâ ire amâ luâk kopa dâmbiâ amâ Anutuñe, “Luâk ire nâñgâ nâñgâyene hinñe humo aktâp.” dâwiap.

²¹ Aregât yeŋe luâk siâgât kotŋe bo mem agatmâ yâkgât nâŋgâ nâŋgâŋe bo watbei. Akto siâ me siâ hârok yeŋgât tatmap.

²² Nâ Paulo akto Apolo akto Petoro tânyenġunerâm manden. Akto hângât wan me wan me manmaen me mombaen me wan me wan hinŋe tatmap me beirâ miawakbiap are hârokŋe tânyenġuwaengât manden.

²³ Akto ye amâ Kristogât mandâi. Akto Kristo amâ Anutugât manmap.

4

Aposolo yeŋgât keiyeŋe.

¹ Yeŋe âmâ nenŋe makyenġimaengât hin nâŋgâwei, “Pauloma Kristogât keiŋe maknengimai. Hoŋ bawa aganmâ Anutuŋe ulikŋân yonâk kalep are mem makmâ miawakmâ damunŋe akmai.” dâwei.

² Akto luâk siâŋe hoŋ bawa siâgât makto launŋe lokom âi mendo ârândân akmap dop hainâk âi damunŋe akmâ heŋgemgom mandenŋe ârândân akmap.

³ Akto nunaet keine makbe. Ye me luâk menduguân yâkŋe luâk nâŋgâ nâŋgâyeŋân nâŋgât denân hâknân hâknân makbai amâ nâŋgâre bunŋe bo akbiap. Akto nunak âkâ nâ nunak den âiân bo kalakbian.

⁴ Bunŋe nunak âi bikŋe mesogân me bo amâ bo nâŋgân gârâmâ Humo ikinjak âmâ nâŋgât keine me agak memene ekmap. Akto denân kat nekbiap.

⁵ Aregât ye Humogât sop boâk miawaktoân luâk âmbâle hâkyeŋe tunmâ denân bo katyekbei. Akto sop are miawakto âmâ Humonenŋe ikinjak gem

âmâ ainâk ikinjak wan me wan bo nângâmaen are mem miawakbiap. Akto hannennân me biwinennân wan me wan nângâmaen are hainâk mem miawakbiap. Akto sop ain âmâ Anutuŋe nen hârok âi nennjaet hâu nengiwiap.

⁶ Galama, wan me wan yu kulemgoân ire amâ Apolo me nâ netŋaelân katmâ maktân. Amâ hingât maktân. Ye nângâm hengemgom Anutuŋe makto kulemgoyi are wan me wan yendâp aregât bo longaiwei. Hain akmâ yenjaet nângâmbiâ bo agatbiâp. Akto gala yengât nângâmbiâ bo gewiâp.

⁷ Akto niŋande potatyekto luâk âmbâle bikŋe ewangiyektâi? Akto wan me wan memai are Anutuŋe yengiep, aregât wangât hin dâmai, “Wan me wan ire siâŋe bo nengiep akto nângâ nângâ nenŋaelânba miawagep.” hain dâmai? Amâ bo ârândân akmap.

⁸ Akto ye hin makbiâ nângân, “Emelâk nângâ nângânenŋe humo aktâp. Akto wan me wan emelâk ârândân agion. Paulo akto Apolo bo tân nengumbelan nângâ nângârâ agion.” dâmai, amâ netŋe bo tânyenŋuetŋe luâk kembu bo akmai. Wangât ye hain nângâmai? Ye agak meme yeŋe âlepŋe dâine ye olop heronŋe akbâen.

⁹ Aregât hin nângân. Anutuŋe aposololupŋe nen âmâ luâk yânŋe yâk yengât kâmolân katnenegep. Bugâgât pat agakŋe hainare, hârok dondânŋe aŋelo me luâk nenekbiâ bâlenŋe hainâk hinare akmaen.

¹⁰ Nen Kristogât akmâ luâk nângâ nângâ bâlâk akmâ gayion. Dâ ye âmâ Kristogâlân dewatim nângâ nângârâ humo akmâ gayi. Nen âmâ yeukŋe gegenŋe akmâ gayion. Dâ ye âmâ kârikŋe olop akmâ

gayi. Ye âmâ biknande yekbiâ humo âgâ âgâne akmai. Dâ nenekbiâ gegenje akmaen.

¹¹ Aregât nen âmâ tu sotgât mom bâlim manmâ gayionneak manmâ gaen. Akto himbân hambunjeâk lalakmâ Yesugât keiŋe bo nâŋgâmai arekŋe kuk hêngânâk nenekbiâ emet kepia bâlâk manmâ gayionneak manmâ gaen.

¹² Akto nenŋe bâtnennande puligât âi humo memaen. Akto hâkgât luâk âmbâleŋe den hembalik makmâ giriŋ nengimai. Hain akbiâ âmâ nen âmâ Humoŋe tân yeŋguâk dâm ulilaŋmaen. Akto yâkŋe âmâ kuk hêngân aknengimbiâ âmâ ainâk hâuŋe bo yeŋgim âmâ nâŋgâm hansumbu akmaen.

¹³ Yâkŋe den bâleŋe makmâ kotnenŋe mem gembia nen âmâ benŋe ainâk lumbe den makyenŋimaen. Ulikŋân akto hinŋe hainâk akmai. Nen âmâ luâk âmbâle yeŋgât gagap panpanŋe hainare akmâ gayionneak manmâ gaen.

Pauloŋe Korinti luâk âmbâle ewe akyenŋieŋe.

¹⁴ Galalupne, nâ den kulengoân ire ye aŋun meygâkgât bo kulengoân. Nâ ye nananlupne dop hainâk akmaigât okot âlep nâŋgâ yeŋgiman aregât den samî akyenŋim damun agaŋgi goaŋgi akŋetgât den ire kulengoân.

¹⁵ Bunŋe ye damunyeŋe akmâ Kristogât agak memeân damunyeŋe akmai are unduwâk tatyenŋimai gârâmâ den pat âlepŋe pup pup makyenŋiminiân a undup akmâ bo. Nune konok yeŋgâlân togom pup pup eweyeŋe dop hainâk akmâ den pat âlepŋe makyenŋire den pat are âlepŋe nâŋgâyi.

¹⁶ Aregât hin hâmbinmâ wârakyeke. Nâne agak meme akman are hainâk akbei.

¹⁷ Are miawagâkgât nângâm Timoteo biwiŋe Humogâlân kalep yâk yengâlân hungunaŋdere togoâp yâk âmâ nanne hinare okot âlep nângaŋman yâk âmâ nâne kepia ârândân ari Yesu Kristogât mendugumai aregât emetŋe ain makyengiman aregât makyengiwen dâm hungun aŋdere togoâp.

¹⁸ Akto yengâlânba bikŋande Paulo bo togowiap dâm âgâ âgâŋe agi.

¹⁹ Dâ Humonenŋe yâkŋe âlepŋe dâmbo âmâ yengâlân dowâk togowian. Togom âmâ sop ain luâk âgâ âgâŋe yengât bo nângâm âmâ agak memeyeŋe areâk ekbian dân. Togom yengât den bo potatmâ nângâwaen. Amâ agak memeyeŋe areâk ekmâ potatbian.

²⁰ Akto Anutugât kâmot yengât kârikŋeyeŋe amâ den makmai are bo. Bo kârikŋe. Patyeŋande amâ kârikyeŋe mem miawakmap.

²¹ Aregât togowianân gain gain nângâwai? Orem miwindik yekbiangât kuk akmâ togowian me? Okot nângâ yengim yeukŋân togowian?

5

Luâk bâleŋe miep aregât den.

¹ Galalupne, yengât den are siânbaŋe makniŋbiâ nângâre ârândân bo aktâp. Agak meme bâleŋe hain arekŋe âmâ luâk âmbâle Yesu bo nângaŋmai are yengât hutyeŋân miawakto aŋun aŋgiwâi. Dâ ye âmâ bo aŋun aŋgiâi. Bâleŋe are amâ hin. Yengâlân gâtŋe luâk siâŋe eweŋaet âmbenŋe miep.

² Hain akto bâlenje dondâ miawagep. Aregât wangât yeŋe yeŋaet nâŋgâmbiâ âgâmap? Hain bo. Bâlenyeŋe nâŋgâm makmâ miawakmâ okot bâle nâŋgâm mandâi dâine ârândân akbop. Aregât dowâk luâk are hepunmâ watbiâ yeŋgâlânba ari-wiap.

³ Dâ hâknande âmâ kâlewângen mandân dâ nâŋgâ nâŋgânande amâ hutyeŋân mandân aregât luâk bâlenje miep yâkgât dosa miawagâkgât hin makmâ hâreân.

⁴ Yesu Humonenŋe yâkgât kolân konmâ luâk aregât den katmâ maktân. Ye mendugum kinmâ nâŋgât den nâŋgâm akto Humonenŋe Yesu Kris-togât kârikŋe olop kinbai

⁵ âmâ ainâk Niambiŋe hâkŋe mem bâlimbo han biwiyenŋe potalagâkgât luâk are watbiâ ariwiap. Hain arim manmâ manmâ âgâambo âmâ hâmbâi Humo are togowiawân âmâ Anutuŋe oloŋdo ikinâet kâmolânâk dewatiwiap. Are miawagâk dâm luâk are watbei.

⁶ Ye âgâ âgâŋe akmai are nâŋgâre bâliâp. Luâk bâlenje agep aregât keiŋe den dopŋe hin makbe. Nen âmâ bau wiŋe bâlenje siâ are bo mem panmâ are olop sot ondenŋe âmâ bâlimap. Amâ kalakŋe akmap. Dâ ye dop hainâk bâliwâigât luâk konok are watbiâ akŋângen ariwiap.

⁷ Nengât lama dosanennŋe bo agâkgât Kristo yâkŋe nengât sumbe akmâ moep aregât akmâ kalakŋe bâlenje are potatmâ panbiâ arimbo bunŋe âlepŋe areâk akbei. Gârâmâ emelâk irakŋe ma-ligât.

⁸ Homban irakŋe tatnerâm siâ me siâ kalakŋe âmâ hârok paniâm. Galalupnennŋe yeŋgât

nângâenñe gemapgât akto bâlenje malenjegât kalakñe panmâ âmâ han kau kau akto bunñe den are mem manmâ heronje maronje manbaen.

⁹ Galalupne, nâ ulikñân kulem esenñe siâ hin kulemgoân. Luâkñe âmbenlupyeñe hepunyekmâ anğâ olop hanâk hanâk manmai are gala bo kat-bei.

¹⁰ Are bâlenje akmâ, me sotgâlâk nângâmbiâ humo akmap me galagât wan me wan tatyengiâp aregât nângâmbiâ humo akto munen akmâ kâmbu meyenğimai me lâpiogât nângâmbiâ humo akmap luâk are amâ hângât agak meme aregât egâlianmai yâk yenğât bo magân. Luâk are hepunyekbei dân dâine amâ hân ire hepunmâ himbimân manbâi.

¹¹ Hain bo magân. Nâ hingât kulemgoân. Luâk âmbâle biwinenñe Yesugâlân kalion dâmai amâ luâk âmbenlupyeñe egâlianğât me lâpio yenğât yenğonmâk me galagât hogo hogo akmai me tu kârikñe nem biwi gulip akmâ bâlenje akmai luâk âmbâle hainare amâ hepunyekmâ yâk olop sot bo nembei.

¹²⁻¹³ Akto luâk âmbâle Yesugât kâmolân bo manmai are amâ Anutuñe konok den âiân katyekbiap aregât nâñe den âiân bo katyekman. Gârâmâ ye hutyenân Yesu nângâ anmai yenğât dosa denyenñe makbiâ ârândân akbiâp. Aregât luâk bâlenje akmâ ewenjaet âmbenñe miep are watbiâ hutyenân bo manbiap.

6

Korinti gâtñande kiapgâlân arimbiâ Paulonje nângâmbo bâliep.

¹ Akto den siâ togombo hin nângân. Yengât hutyenân gâtne siâne galaŋaet dosa den mem makbiap are Yesugât kâmot yengâlân bo katmap are amâ keiŋe bo ekmâ nângâmai. Wangât Anutugât den koko luâk are yengâlân ariyi? Hain bo akbei.

² Yesugât kâmot nenŋe sop humoân hângât luâk âmbâle Yesugât kâmolân bo manmai are den âiân katyekbaen aregât nângâi me? Wan me wan hânân yânŋe are makmâ miawakmâ keiŋe miawagâkgât makmâ den âiân katyekbaigât kârikŋe tatyenŋimap. Hain akto hângât luâk kotdâŋe yengât pat mem miawagâkgât are yengâlân bo ariwei.

³ Akto areâk bo. Nenŋe aŋelo yengât den dât owâiŋe potatbaen. Aregât nen âlepŋe hângât wan me wan den are lâuwâŋe potatbaen.

⁴ Akto den yânŋaet siâ siâ miawakto amâ luâk âmbâle nângâyengienŋe amâ gegenŋe akmap, luâk hainare yengâlân den ire potatnerâm arimbiâ bo ârândân akmap.

⁵ Aregât yengâlân gâtne nângâ nângâ luâk bo tatâp me? Ye den are nângâmbiâ aŋun yenjaet akŋetdâm kulengoân. Aregât yengâlân gâtne luâk nângâ nângâyene olop siâ manmap yâkgâlân mem arimbiâ makyenŋiwiap.

⁶ Ye amâ hain bo akmai. Hângât kiap me kotdâ Yesugâlân gâtne bo areyengâlai gala olop den dosayeŋe mem miawagâkgât arimbiâ amâ bâliâp. Dâ areâk bo. Anutu bonânŋaŋmai yâk yengâlân mem arimbiâ amâ dondâ bâliâp.

⁷ Galama, den dosayeŋe Anutu bonânŋaŋmai yâk yengât dewunyenân miawakmap arekŋe biwi kat katyeŋe mem gemap. Aregât hin akbei. Yengâlân

gâtne siâne galanje bâlene agando galanande hanâk dâm yâkne âlepneâk aganbiap. Akto yengâlân gâtne siâne galagât wan me wan hilip koanmâ gulip kombo galanande hanâk dâm hain bo aganbiâp. Ye hain akmai dâine âlepneâk miawakbop.

⁸ Gârâmâ yenjeâk akmâ bâlimai akto yengâlân biknande galalupyenæet hiangi den makyengimai.

⁹ O galama, agak meme hain akmai aregât keiye makyengire nângânet. Luâk bâlene mem manmai are Anutune ikinæet kâmolân bo dewatim katyekmap, ye aregât bo nângâmai me? Ageine biwiyene hianbâi gârâmâ luâk âmbâle hainare yengât keiyene hin makbe. Luâkne âmbenlupyene hepun yekmai me dâp gulip manmai me lâpio yengât nângâmbiâ bunne akto manmai me luâk siânba yengât nângâm egâlian bâlene manmai me luâk siânba yengât dewunyenân anunne olowâk akmai

¹⁰ me kuk akmâ yengum kâmbu akmai me wan me wan hârok ekmâ egâlianmai me tu kârikne nem biwi gulip akmai me den hembalik makmai me puligâlâk nângâm luâk bikne heyengim umburuk akyengimai luâk hain arekne amâ Anutugât manman are bo ekbai.

¹¹ Akto yengâlân biknande uliknân ye hain akmâ manmini. Dâ hinne ire âmâ Humonenne Yesu Kristo are akto Anutunennæet Heaknande meyekmâ dosayene pulim panmâ Yesugât kâmolân katyekbela biwi âlepnen mandâi akto Yesune dosayene mem dumyenân kinmâ moep aregât Anutune yekmâ dosayene bo agep dâm yengonlep.

Bâlene membâigât minao den.

¹² Galama, ye hin dâmbiâ nânġân, “Wan me wan aktenġe Anutuġe nenekto âlepġe akmap.” dâyi. Aregât makyenġiwe. Magi amâ âlepġe ġârâmâ kotġe siâ siâ akmaen, arekġe âmâ âlepġe bo tân nengumap. Akto wan me wan tat nengîâp areġâlâk egâlianġmâ hoġ bawa aktenġe paġâk menenekto bâliwâen.

¹³ Aregât hin nânġân. Sot amâ âlepġe Anutuġe sotyeġe dâm nengimâp. Akto nembraengât dâm tep nenġe kalep areġât sot amâ âlepġe ġârâmâ siân Anutuġe bâin dâm sot akto tepnenġe lâuwâ lâuwâ meteyelekto bo akbiandat. Dâ hâknenġe amâ wan me wan egâlianġgât dâtâġe bo. Are âmâ Humonenġaet damun akmap.

¹⁴ Akto Anutuġe kârikġe akmâ Humonenġe mem momoġânba agalep hainâk kârikġe akmâ nen mem agatnenekto manmannenġe irakġe mi-awakbiap.

¹⁵ Akto hâkyenġande âmâ Kristogât hoġ bawa agaġmai are bo nânġâmai mon? Akto hâkyenġe âmbâle dâp gulip manmai are olop tatbiâ ârândânġ akmap mon? Bo dondâ.

¹⁶ Aregât lâuwâġe makbe. Anutuġe makto Moseġe hin kulemgoep, “Luâkġe âmbâle mendo lâuwâġe konok akmâ manbiandat.” hain kulemgoep. Aregât luâk siânġe âmbâle bâlenġe mendo lâuwâġe han biwi konok akmâ manmandat, are nânġâm henġemġewei.

¹⁷ Dâ luâk siânġe Humogâlân andâmbo yâk olop han biwi konok akto nânġâ nânġâ konok akmandat.

¹⁸ Aregât luâkġe âmbenlupyenġe hepunyekmâ hanâk hanâk âmbâle anġâ bo meyekbei. Akto luâk

âmbâle bâleŋe akmai amâ dosa memai gârâmâ hâkyeŋe bo mem bâliakmai. Dâ âmbâle hanâk hanâk olop manmâ ikiye hâk mem bâliakmap.

¹⁹ Aregât den umatŋe siâkâ makyengire nâŋgâŋet. Anutuŋe ikiye Heak Âlepŋe hunġunaŋdo biwiyenân miep aregât ye amâ yâkgât emet akmai. Akto ye amâ yeŋaet bo.

²⁰ Yesuŋe Anutugât kugânba ikiye gilâmŋe kâimbo puligoyegep, aregât ye agak memeyenande Anutu kotŋe konmâ mem agatbeigât hâkyeŋe damunŋe akbei.

7

Luâkdâ âmbendâ yeŋgât den.

¹ Ye kulemgom katniŋbiâ togombo oyaŋmâ meteân aregât wan me wangât ai nuguyi aregât hin makmâ miawaktere nâŋgâŋet. Luâk Yesugât kâmolân gâtŋande âmbâle bâlâk manbian dâm amâ âlepŋe hain akto ârândân akbiap.

² Gârâmâ egâliangât dâp dondâ yendâpgât luâk âmbâle hanâk hanâk dâp gulip manbâi dâm âmbâleŋe luâk ambonân ambonân meyekbei. Akto luâk âkâ hainâk âmbenluyeŋe ikiyeâk ikiyeâk meyekbei.

³⁻⁴ Akto âmbâleŋe ikiye hâkŋe are bo damunŋe aganġimap amâ luâkŋande damunŋe aganġimap aregât âmbenluyeŋande hâkyeŋe luâkluyeŋe bo gangerâ yeŋgiwei amâ âlepŋeâk yeŋgiwei. Akto hainâk luâkŋe ikiye hâkŋe bo damunŋe aganġimap amâ âmbenŋande damunŋe aganġimap, aregât luâkluyeŋande hâkyeŋe are âmbenluyeŋe bo gangerâyeŋgiwei amâ âlepŋeâk yeŋgiwei.

⁵ Aregât ye âmâ luâkdâ âmbendâ hâkyeŋe bo gangerâ angiwei. Gârâmâ luâk âmbâi lâuwâ siâŋe Anutu kârikŋe ulilaŋbaet dâm âlepŋe sop ainâk Anutu ulilaŋbiandatgât tâlâwâk hâkyetŋe gangerâ anjim Anutu ulilaŋbela nâŋgâmbo âlepŋe akbiap. Dâ ulit sopŋe bo akto hamiŋâŋen Niambiŋe heyetkim bâleŋe aget dâwopgât âlepŋe luâkdâ âmbendâ meakbiandat.

⁶ Dâ ire makberân amâ bo makmâ hâreyeŋgiwerân. Bo. Maktere nâŋgâmbiâ bâliwopgât makyenġiân.

⁷ Nune âmâ hin maktân. Luâk hârok nâŋe âmbâle siâ bo meân hainâk bo akmâ manbei gârâmâ are bo akmai. Dâ Anutuŋe kârikŋe ikiyeâk ikiyeâk menengimap siâŋe siâŋaet memap. Akto siâŋe siâŋaet memap aregât kârikŋe a areâk yenġiep aregâlâk nâŋgâm manbei.

Luâk âmbâle sigan akto kambut yenġât den.

⁸ Akto luâk âmbâle sigan akto âmbâle luâklupyenŋe moyi are yenġât âmâ hin makbe. Ye nâŋe âmbâle bo meân, ye hain luâk âmbâle bâlâk manbei amâ âlepŋe akbiap.

⁹ Gârâmâ luâk âmbâle biwiyenŋe kârikŋe bo damunŋe akmai arekŋe âlepŋe luâkdâ âmbendâ akmâ manbei. Akto egâliangât kâlâpŋe mem bâli yekbopgât luâkdâ âmbendâ akmâ manbiâ huraguwiâp.

Luâkdâ âmbendâ yenġât den.

¹⁰ Akto luâkdâ âmbendâ yenġât den maktere nâŋgâŋet. Akto ire nâŋgât den a konok bo ire Humonenŋande tân nugumbo maktân, âmbâle luâkdâŋe luâklupyenŋe bo hepunyekbei.

11 Dâ âmbâle siâ emelâk luâk hepulep aregât luâk siâ bo membiâp. Me luâkne emelâk hepulep are olop maganġimbela âlepne dâmba penianġiwandâ. Akto luâk âmbendâ ye âmâ âmbenlupyeŋe bo hepun-yekbei.

12 Dâ ye bikne luâkdâ âmbendâ agi yengât den ire Humonenġande bo magep amâ yân makbe. Yengâlân gâtne luâk siâ hinne Yesu nânġa aŋep gârâmâ âmbenne âmâ Yesu bo nânġa aŋep yâkgât hin makyenġiwe. Âmbenlupyeŋande âlepne dâmbiâ âmâ âlepne meyekbiâ manbei aregât bo hepun-yekbei.

13 Akto âmbâle hinne Yesu meyi âmâ luâklupyeŋe Yesu bo nânġanmai yengât hin makyenġiwe. Luâklupyeŋande âlepne dâmbiâ âmâ hanâk bo hepunyekbei.

14 Aregât keŋe hin. Nan baratlupyeŋe emelâk Anutugât pat akmâ manmai aregât nan baratlupyeŋe bâliwâi dâm Anutune âmbâle ekmâ nânġât kâmot dâmap, aregât luâkne bo nânġânġmap are nânġât kâmolân katbian dâmap. Akto luâk Yesu nânġanmap âmbâle Yesu bo nânġanmai are yekmâ nânġât kâmolân katyekbian dâmap.

15 Akto Anutune yeuknân gala akmâ manġetgât nengonmap aregât luâk me âmbâle Yesu bo nânġanmai arekne âmbenlupyeŋe me luâklupyeŋe hepunyekberâm âlepne hepun yekbai.

16 Gârâmâ âmbâle Yesugâlân gâtne arekne luâklupyeŋe olop manmâ makyenġimbiâ luâklupyeŋe Yesugâlân biwiyeŋe âlepne katbai. Akto luâk yekâ hainâk âmbenlupyeŋe olop manmâ

yaiwâk akyengimbiâ âmbenlupyenê Yesugâlân biwiyenê katbai, aregât bo nângâmai aregât luâkdâ âmbendâ dowâk bo hepun akbai.

Ulikhân malion hainâk manniâm.

¹⁷ Galalupne, ye hârok hin makyengiwe. Nâ mendugumai emet ain hârok âgâm hin makyengiman. Anutunê ye oloŋ yekmâ ikinâet kâmolân katyegep sop ain ye kin kin gain gain kili. Akto Humonnenŋande kin kinyenê gain gain yenŋiep aregâlâk nângâm manbei.

¹⁸ Aregât ye Yuda gâtne ulikhân hâkyenê gâiyi are Anutunê oloŋ yegep ye âmâ Anutugât pat hâkyenê gâiyi aregât tiripne bo gulip goanŋiwei. Dâ bikne Yudagât agak meme bo watmâ âmâ hâkyenê bo gâiyenŋiyi hain akbiâ ainâk Yesunê oloŋyegep, ye âmâ gâinenekbei hain bo nângâwei.

¹⁹ Are lâuwânê makbe. Hâkyenê gâi gâigât me bo gâi gâigât are Anutunê bo ekmâ nângâmap. Akto yâkne âmâ nen launê lokom manbaen are gâlâk nângâmap. Aregât hâkyenê gâi gâigât bo nângâwei.

²⁰ Galama ye kin kinyenê ain me ain kinbiâ Yesunê yenŋonlep kin kin ainâk kinbei.

²¹ Dâ hoŋ bawa âi membiâ yenŋonlep are nângâmâk bo akbiâ âmâ kambiamyenê umatne bo akbiap. Gârâmâ damunlupyenê âlepne arinjet dâmbiâ âmâ ainâk hoŋ bawa agaŋmai arewa sopanmâ yengât manmanyenê yeâkgât damunne akbei.

²² Dâ aregât siâkâ makbe. Ye hoŋ bawa âi manmai are Humonnenŋande yenŋonlep aregât yenê luâk me siâ siâ hoŋ bawa bo akyengimaen dâm heronê akbei. Dâ yenê siâ hoŋ bawa bo agaŋgimai

are Humonnenne yenjonlep aregât Kristo honj bawa aganmai.

²³ Yesune Anutugât kugânba yengât dumenyan kinmâ puligoyegep aregât Humogâlâk nângâm luâk yenaet bo nângâ anjiwei. Amâ Kristo konok nângâ anbei.

²⁴ Hain akmâ uliknân Humonnenne olon yegewân gain mali, a hainâk mem manmâ sop hinne âkâ kinmâ Anutugâlân dewatiwei.

Luâk âmbâle sigan yengât den.

²⁵ Akto ye sigan yengât hin makyengire nângânet. Humonnenjande bo makniņep âmâ nunak maktân aregât Anutu lumbe Amboņe arekņe nângâ niņdo ârândân akmap aregât nângât den tângomap.

²⁶ Sop hinne dâtņe metņe dondâ miawaktâpgât ye luâkdâ âmbendâ manmai me sigan manmai hainâk manmâ âgâwei.

²⁷ Aregât yengâlân bikņe luâk âmbendâ emelâk agi ye âmbenlupyeņe bo hepunekbei. Dâ luâk sigan manmai yeņe âmbâlegât bo makbei.

²⁸ Dâ âmbâle memberâm akmâ membriâ bo bâliwiap. Akto âmbâle sigan hainâk luâk mendo bo bâliwiap. Akto hain arekņe hângât umatņe miawakyengiwopgât hain kulengoân.

²⁹ Galalupne, umatņe dondâ miawak yengiwiapgât sop tâlâwâk aktâp aregât âmbenlupyeņe olop mandâiņe âmbenlupyeņe aregâlânâk bo nângâm manbei.

³⁰⁻³¹ Akto hânân âlepņe manmai ire bo akbiap aregât indemaine inde bâlâk manmai hain are akbei. Heroņe maroņe akmaiņe manmâ hero maro bâlâk manmai hainare akbei. Akto siâ siâ mem

anġim nene manmaine âmâ imâ nengât bunne borâm manbei. Akto hân iregât tiripne bo akbi-apgât hângât wan me wan mem manmaine âmâ ire nângâenne humo akbop dâm aregât nângâmbiâ gewiâp.

³² O Galalupne, biwiyene umatne akbop dâm maktân. Akto luâk âmbâle bâlâkne Humonennaet âinjaet nângâmâk akmai hain akmâ Humonennaende nenekto ârândân agâk dâmai.

³³ Dâ luâk âmbendâylene âmâ hângât nângâm hanoko akmai. Akto âmbenlupyenande nângâyenġimbiâ herone âlepne agâkgât manmai. Hain akmâ Humonennaet me âmbenlupnenne yengât ukenne akne dâm han lâuwâ akmâ manmai.

³⁴ Akto âmbâi sigan yâkâ hainâk Humonennaet âinjaet nângâmâk akmai. Akto han biwiyene Yesugât dâtâne agâkgât nângâmai. Dâ âmbâle luâkdâne âmâ hângât nânganmai. Akto luâklupylene yengât nângâyenġimbiâ herone ârândân agâkgât nângâmai.

³⁵ Ye hârok âlepne mannetgât dâm den are makyenġiân. Dâ ye hin me hain aknet dâm wârakmâ hâwâtyekbegât hain bo makyenġiân. Ye hanâk hanâk bo manmâ âmâ biwi kambiamylene mendugumbiâ Humogâlân lâwindâk kilâkgât maktân.

³⁶ Akto ewe siâne baratne âmbâi sigan tat tatne akbop dâm âlepne luâk siâ wanġo mendo bo bâliwiap.

³⁷ Dâ luâk ewe siâne nângâ nângâ kârikne tatmap yâkne baratne yân tatbiap dâm nângâmbo âmâ

ârândân akbiâp. Akto owâim hain makmâ kârikne ketugumbo ârândân akbiâp.

³⁸ Haingât luâk siâ baratne luâgân kato âlepne akbiap. Dâ siâne baratne siganâk malâk dâm gangerâmbo âmâ ârândân akmâ hengemgowiap.

Kambut yengât den.

³⁹ Akto ye âmbâle luâkdâ hin makyengire nângânet. Ye luâklupyene olop manmâ âgâm bo hepunakbei. Dâ luâklupyene mombiâ âmâ âlepne luâk siâ Humonenjande meyegi aregâlân gâtne luâk siâ ukenne nângâm memberâm âmâ âlepne membei.

⁴⁰ Dâ luâk bâlâk yân manbian dâm manbai aregât agak meme bikne âlepne ewangiyekbiap. Hain akto herone akbai, hain nângân. Ire nune den. Dâ Anutugât Heakjande tân nugumbo maktân.

8

Lâpio yengât sotgât hanokoakmâ mali aregât den.

¹ Akto Korinti kepien manmâ Yesu bo nângâmai yâkne sot songo lâpio yengât enemyenân katmâ om nem bikne anjim neneân katmai ye are nângâmbiâ han lâuwâ agep are nângân. Aregât hin makbe. Yengât bikjande hin dâmai, “Nen keine nângâ nângârâ humo manden aregât hanâk wan me wan mendenne ârândân akmap.” Ye hain dâmbiâ are nângâre bunne akto gârâmâ nângâ nângâgât keine âmâ kotyene mem agat agat miawakmap. Dâ okot âlep akyengim manbiâ âmâ kambiamyene kârikne ketugumap.

² Aregât yengâlân gâtne siâ nângâ nângâne emelâk humo aktâp dâmap âmâ yâkgât nângâ nângâne bunne bo yemap.

³ Dâ yengâlân gâtne siâ âmâ Anutu okot âlep aganbiap yâk âmâ Anutu ne nângâm hengemgoanbiap.

⁴ Lâpiogât sot songogât âmâ hin nângâmai. Lâpio âmâ siâ me siâ yânne bunne bo. Anutu konok amâ bunne.

⁵ Kembulupne himbimân mandâi me hânân mandâi amâ yem ariâi aktâp.

⁶ Dâ nen âmâ Anutu Ewenenne konok mannengimap. Yâkgâlânba siâ me siâ miawaknengimap. Akto nen yâkgâlân manden. Hain akmâ Kembu konok Yesu Kristo yâkgât bâtnânba siâ me siâ hârok miawagep akto nen manmâ metien.

⁷ Gârâmâ nengâlân gâtne bikne aregât keine hain âlepne bo nângâm hengemgomai, akto hain arekne uliknân lâpio bunne dâm mali, yâk hinne Yesu nânganmân âmâ sot hain are nem âmâ biwiyene kârikne bo aregât lâpio arekne biwiyene mem helen ketugumbo umatne akmap.

⁸ Akto Anutu ne sotgât akmâ bo nângâ nengimbo âlepne akbiap. Aregât sot lâpio yengâlânba are nendenne Anutu ne bo nângâm mem agatnengiwip. Me bo nendenne nângâm bo mem ge kat nenekbiap.

⁹ Gârâmâ yengâlân gâtne, “Wei are emelâk nângân hanâk hanâk nendenne ârândân akbiap.” dâmai ye âmâ hin akbei. Galalupylene biwi getegâk Yesugâlân kali areyengât biwiyene gulip akyengiwopgât nângâm hengemgowei. Akto sot

nemberâm âmâ galalupyene are yengât ukenne nângâyenğiwei.

¹⁰ Aregât bikne makbe. Ye biwiyene kârikne ya maktân hamianmâ panmâ hanâk lâpio emetjân âgâm sumbe nem tatbiâ galayene siâ biwine kârikne bo arekne yekto, “Wei, nâkai âgâm nendere âlepne akberâp.” dâm âgâm nem tato haminân biwine bâlimbo dosa akbiap amâ hâune amâ yengâlân miawakbiap.

¹¹ Amâ ye hanâk nângâ nângânenne kârikne aktâp dâmai, aregât galayene Kristone yâkgât dumjân kinmâ moep arekne yekmâ âgâm mem nendo bâliwiap. Dosa are amâ yengâlân.

¹² Ye hain akbiâ bâlene dondâ akbiap. Amâ ye hain akmâ galayene biwine getegâk kalep are mem bâlimbiâ biwine gulip akbiap. Aregât dosa amâ yengâlân. Dâ areâk bo. Ye hain akbiâ âmâ Kristogât kotne bâliwiap amâ dosa amâ yengâlân miawakbiap.

¹³ Aregât nâ sumbe nendere galanande aregât nekto biwine bâliwopgât aregât nângâmâk akmâ lâpiogât sot bo nem manmâ mombian. Akto sumbe borâm yân manmâ mombian. Aregât ye hain akbei.

9

Aposolo yengât keiyene.

¹ Galalupne, yene nâ hâkne tunbaigât dop bo tatâp. Aregât keine hin. Nâ Aposolo Humonenne Yesu are egân aregât wan me wan ektere bunne akmap. Akto areâk bo. Niñande pup

pup den pat âlepņe makyenġimbo biwiyenġe Humonnenġaelân katmâ manmâ ya miawaktâi? Amâ nâ.

² Akto siânba bikņande, “Paulo amâ luâk yânņe aposolo bo.” dâyi. Den are nânġâm bo hanokoakman. Akto nânġâm âmâ nâ Aposologât âi mem mandere ye Humonnenġaelân dewatiyi are nânġâm henġemgom luâk areġât den bo nânġâwei.

³ Luâk Paulogât keiņe ekne dâmbiâ kotne bâliwop dâm den hâuņe âmâ hin makyenġire nânġâņet.

⁴ Nâ Aposolo âi mem mandere hâuņe niņbiâ ârândânġ aktâp. Gârâmâ hain bo akman.

⁵ Akto Aposolo bikņe akto Yesugât emilupņe akto Petoro yâk âmbenlupyeņe olop âiân arimai. Akto âmbenne tatniņdâp dâine yâk olop arire ârândânġ akbop.

⁶ Akto areâk bo. Aposolo bikņande ulityenġimai are ârândânġ akmap. Dâ nâ akto Banaba netkâ hain ulityenġietņe dâine ârândânġ akbop. Gârâmâ netņe umat yeņgiwâet dâm bo ulityenġim âmâ âi mendenņe net wan ketuguyiot are hâukombiâ netġât sot hâukoyiot.

⁷ Areġât den dopņe hin. Tembe loko âi mem arimai damunlupyeņande hâuņe yeņġimai. Akto kalam amboņe âi mem mando sot âlimbo bikņe nemap. Akto makao damunņe âi mem manmâ bikņe nemap. Areġât Aposologât âi mem manman areġât hâuņaet ulityenġiman dâine ârândânġ akbop.

⁸ Are amâ luâġgât nânġâ nânġâņe bo tân nugumbo maktân. Anutugât den kulemgoyi arekņe hain dâmap are nânġâm hain kulemgoân.

⁹ Den kârikņe hainâk miawaktâp âmâ hin. Anutunġe makto Mosenġe kulemgoep bikņe hin tatâp,

“Bulimakaonje âi mem mando ainâk sot nembop dâm launje bo dâgâm gisapkowei.” hain yendâp. Den are Anutunje bulimakao yengât konok nângâm bo magep.

¹⁰ Anutunje nengât hain magep. Luâk siânje âi kâmet kâmet are yân bo akmap. Sop siân sot bunje miawakbiap aregât ukenne nângâm akmap. Akto luâk siâ sot pitim mendugum katmap are âkâ hainâk bunje membian dâm akmap. Anutunje aregât hain makto Mosenje kulengoep.

¹¹ Aregât nen yengâlân biwigât âi siâ siâ mem hengemgoyegiongât hâuñe yengâlânba hângât siâ siâ menegât nângâenne ârândân akmap.

¹² Dâ nen âmâ hain bo nângâmaen. Akto yengâlân gâtñe makyengimai are yengât bikñande ulit yengimai. Dâ nen âmâ ewangi yekmaen aregât ulit yengienne âmâ ârândân dondâ akbop. Dâ amâ hain bo akmaen. Dâ bo ulit yengimaen arekñe agak meme bikñe ewangimap. Aregât siâkâ makbe. Kristogât den pat âlepñe bâliwop dâm yengâlânba sot me puli me wan me wan menegât mak makñe are menegât nângâm dâm bo ulityengimaen.

¹³ Akto luâk sumbe opmânân âi memai yâk âmâ sumbe bikñe memai. Akto luâk siâ alatan sumbe ogo yâk âmâ alatagât siâ siâ bikñe memai, are emelâk nângâi. Aregât nângâm hengemgowei.

¹⁴ Haingât Humonnenje nengât hin dâep, “Nângât den pat âlepñe makmai are bâlâk manbâigât âi mem manbiâ den nângâwerâm mendugum kinmai arekñe hâuñe yengiwei.”

¹⁵ Dâ nâmâ dâp are watman dâine ârândân akbop. Gârâmâ nâmâ dâp are bo watman. Amâ

ye aregât âlepņe akniņņetgât nâņgâm âmâ ire bo kulengoân. Bo dondâ. Nâņgât heroņe bo ak-bopgât luâk siâņe siâ me siâņe mopņe nugumbo mombian are âlepņe dân.

¹⁶⁻¹⁷ Akto den pat âlepņe makyengiman âi are nâņgât kakņân kali aten. Dâ âi aregâlâk nâņgâm manman dâine manmâ hâuņe membom. Akto Anutuņe âi ire niņmâ hunğun niņep are nune hangât bo meân. Hain akman dâine âi are bo mendere âmâ yei, umatņe bâleņe miawak niņbop. Aregât hâuņe bo ulit yeņgim sot wan bâlâk man-man, aregât nâņgâm heroņe akman. Mombian are âlepņe dân.

¹⁸ Akto nâ hâuņe wan meman? Hin. Âi meman aregât hâuņe niņbiâ ârândâņ akmap gârâmâ hanâk hâuņe are bo niņņet dâm yân hâuņe bâlâk arim makyengiman. Aregât biwine heroņe akmap.

Paulo luâk keiņe keiņe are yeņgât hoņ malep.

¹⁹ Akto siânbaņe nâņgât magangi niņbiâ nâņgâm hanâk dâre umatņe bo akmap. Nâ luâk hârok yeņgât hoņ bawa bo manman yeņgât hanâk hoņ bawayeņe agân. Are luâk âmbâle dondâ den pat âlepņe nâņgâm Yesugâlân dewatim manņetgât nâņgâm agân.

²⁰ Aregât Yuda luâk âmbâle âlepņe akņet dâm Yuda agak meme watmâ makyengiman. Akto den kârikņaet hoņ bawa manmai yeņgâlân manmâ luâk âmbâle ire âlepņe akņet dâm hainâk den kârikņaet hoņ bawa agân. Dâ nunak den kârikņe lokore Anutuņe nekto huraguâkgât bo malân.

²¹ Luâk âmbâle den kârikņe bo nâņgâmai are yeņgâlân arim manmâ luâk âmbâle ire âlepņe akņet

dâm hainâk den kârikne bo nângâmai are hainâk agân. Dâ nunak âmâ Anutuñe Kristogât den kârikne katniñdo are mem mandân.

²² Akto luâk âmbâle yeukne manmai yâk yengât bikñande Yesu nângañnetgât dâm hainâk yeukne agân. Akto luâk âmbâle keiñe keiñe siâ siâ Anutuñe heñgemgo yegâkgât dâp siâ siâ mem yâk hainâk akmâ âi mem manmâ yu gan.

²³ Siâ siâ hârok are yân bo. Yesugât kot patñe mi-awakmâ ariâkgât akman. Akto nunak âkâ aregât hâuñe memberâm akman.

Paulo kârikne akmâ pârigiep.

²⁴ Akto aregât den ginñe makbe. Dop agakñân luâkne wan me wan katbiâ tato memberâm pârigimai. Akto wan me wan amâ konokne wârakmapne togom memap. Akto ye dop hainâk hâuñe wan me wan memberâm âi humo membei.

²⁵ Akto luâk yâkne âmâ kârikne akberâm ukennaet bo nângâm hâkyeñe heñgem agum hâuñe memberâm âi humo memai. Dâ hâuñe are amâ buluñe yânñaet dowâk dipkomap aregâlâk nângâm pârigimai. Akto nen âmâ pârigim arimaen nângâ nângânenne yeukne akbop dâm damunne akmaen. Akto nenne hâuñe kârikne membaen.

²⁶ Aregât nâ nunak gai pirâman. Hain akmâ horat kat katñe a tiñ tiñâk ekmâ kinmâ pirâman. Nâ soñ soñ are dâp pânân gulip bo panman.

²⁷ Bo. Nune yânñe akbomgât hâk biwine mem geakmâ damunne akman. Amâ bikne makyenjiân aregât hâu bâlâk manbomgât.

10

Yuda yengât den pat.

¹ Galama, Yuda nengât hakulupnenne siâ me siâ mem mali aregât keiŋe nelâmyengiwoŋgât makyengire nâŋgâŋet. Anutuŋe yâk yeŋe hârokgât damunyeŋe akto aregât hamandatŋe dâp hekat yengimbo arim haru hâtikoyi.

² Akto areâk bo. Anutuŋe makto Moseŋe damunyeŋe akto siâ siâ âlepŋe hamandatgât pat akto harugât pat miawakyengiep.

³ Akto Anutuŋe sot akto tu yengimbo hârokye neyi.

⁴ Akto tu aregât keiŋe hin, Anutuŋe bâgilupnenne kât siâ hekat yengimbo kât kâlegenba tu gembo neyi dop hainâk Anutuŋe Kristo huŋgunanŋo hamiyenân arimbo yâkgâlânba kârikŋe gembo meyi.

⁵ Akto Anutuŋe bâgilupnenne bikŋe agak memeyenâet nâŋgâm bâlimbo hân yânŋân mom meteyi.

⁶ Yâk yengâlân are miawagep kulem arekŋe nengât den minao aktâp. Akto nen yâk bâlenâet okot tuk tuk agi hainâk akbâengât den are tatâp.

⁷ Anutugât denŋande hin dâmap, “Luâk âmbâle lâpio yengât meteyenân sot om nem kep mem bâleŋe agi.” aregât ye nâŋgâm hengemgom hain bo akbei.

⁸ Akto yâk yengâlân gâtŋe bikŋe egâlian bâleŋe akmâ luâk âmbâle hanâk hanâk mem hepun akmâ bâleŋe agi aregât Anutuŋe yengumbo kâmot humo 23 tausen moyi. Nen hain akbâengât den are oyanmâ hamewakmâ âmâ nen hain bo akbaen.

⁹ Akto yâk yengâlânba siânbañe Humonenñæet dewunñân âgâ âgâne keñje keñje akberâmbiâ dop yenguep. Aregât mulumñe yengimbiâ moyi. Nen hainâk Anutu dop kom bâlewâengât den are oyañmâ hamep akmâ hain bo akbaen.

¹⁰ Wan me wan Anutuñe yengimbo ekbiâ giep. Akto yâk yengâlânba bikñande, “Anutuñe bo damun nenñe akto âmâ lâpio kotñe mem agatne.” dâmbiâ âmâ mem bâli bâli anelone mem bâliyekmâ metiep. Aregât nen hain henengiwoop dâm den are oyañmâ hamep akmâ hain bo akbaen.

¹¹ Yâk yengâlânba siâ siâ miawagep arekñe ye hain akbâi dâm dop kalep. Akto hân purik âgâwiapgât sop ewumâk manden nengât Mosenje den minao ire kulengoep.

¹² Aregât yengâlân gâtñe bikñe nen âlepñe bâleñe bo akbaen dâm âmâ bâleñe akbâigât han biwiyenje damunñe akmâ hengemgom manmâ âgâwei.

¹³ Akto yengâlân dopko dopko miawakmâ togomap are luâk hârok nengâlân miawakmap. Gârâmâ Anutuñe nengât akmâ manmap yâkñe biwiyenje ekmâ biwi yenæet kârikñe bo akbop dâm dopko dopko miawak yengimboân ainâk biwiyenje kârikñe ketugumap, âlepñe manbaigât dâp tatyenjiâp.

¹⁴ Aregât akmâ lâpio kotñe mem agat agatgât are hepunbei.

Kembugât sot nem gaetñe lâpiogât sot bo nembaen.

¹⁵ Galalupne, ye nângâ nângâ olop mandâi aregât den ire maktere yenjak nângâm ekñet.

16 Hâpuân wainj kâim yengimaen are Anutuņe ekmâ âlepņe dâmap. Aregât Anutu okot âlepgât mepaiņe mem maņganmâ aņgim nemaen. Aregât mendugum kinmâ Kristogât gilâmņe nengât kâiep dâm nâņgâm heņgemgomaen. Akto okot âlepgât maņganmâ aņgim akmâ sot mem munditmâ nem Kristo olop kâmot konok akmaen aregât mindugum kinmaenân Kristo nengât dâm hâkņe yengimbo mem bâliyi are nâņgâm heņgemgomaen.

17 Sot koaņe konok aņgim akmaen aregât bunņe nen luâk âmbâle dondâņe gala kâmot konok akmaen.

18 Akto ye Yuda luâk agak meme memai are nâņgâm heņgemgoņet. Sumbe katmâ ombiâ ondo nembîâ âmâ ainâk Anutuņe meme wâtņe akyengimbo kâmot konok akmai.

19 Gârâmâ den yu kulengoân aregât keiņe hin. Luâk âmbâle lâpiogât sumbe omai arekņe âlepņe bo aktâp. Akto lâpio are âkâ bunņe bo aktâp.

20 Gârâmâ luâk âmbâle Anutugât bo nâņganmaiņe lâpiogât sumbe omai are amâ sinduk baniara bâleņet nâņganmâ omai. Aregât nâ yengât hin maktân. Ye sinduk baniara bâleņe are yengât bonâņgâ yengiwei. Amâ sinduk baniara olop kâmot konok akbâigât.

21 Ye mendugum emet siân âgâm Humoņe nengât moep nâņgâm aregât sot tu nem metem amâ ainba gain gain arim sinduk baniara bâleņe olop menduguwai? Hain bo akņet. Ye Humogât sot kat kat ainba sot nem manmâ amâ ainba sinduk baniara yengât kat kalânba sot nembîâ amâ bâleņe dondâ akmap.

22 Ye sinduk baniara areyengât nâņgâmbiâ

humo akto âmâ Humonje nângâ yengimbo bâlenje akmap. Are miawagâkgât hain meyi mon? Nengât kâriknenenñande âmâ Anutugât kârikneje ewangimap dâmai mon?

Wan me wan hârokne âmâ bo tân nengumap.

²³ Akto ye hin dâmbiâ nângân. Kotne siâ siâ hârok tatnengimap are mem mandenñe ârândân akmap dâyi. Aregât makyengiwe. Bundâk magi. Gârâmâ kotne siâ siâ hârok tatyengimap arekne âmâ âlepne bo tânyengumap. Akto biwiyene bo mem kârikne ketugumap.

²⁴ Aregât ye yenjaet bo nângâm âmâ galalupyene yengât nângâ anjiwei.

²⁵ Han lâuwâ akbâigât ye kâmolân songo puligowerâm nângâm hanâk puligom om nembei. Akto sot ire yânne me lâpio dewun yenânba togoâp hanâk om nembe dâm makmâ nângâmâk bo akbei. Akto hanokoak bo akbei.

²⁶ Amâ hingât. Hân ire âmâ Humonenjaet aktâp. Akto wan me wan hânân yendâp akai Humonenjaet aktâp.

²⁷ Dâ luâk âmbâle Anutu bo nângâ anmaine yengâlân gâtne siâne yengondo emetjân âgâmbiâ sot songo om yengimbo nângâmâk bo akmâ hanâk nembei. Akto ai pei bo agañbei.

²⁸ Gârâmâ siâne songo ire lâpio yengât sumbe dâambo âmâ luâk aregât nângâmâk akmâ borâwei. Are nembiâ luâk makyengimbo aregât biwine bâliwop dâm bo nembei.

²⁹ Luâk aregât biwine bâlewop dâm hain akbei. Dâ biwige âmâ âlepne agâk. Aregât hin makbei. Nâ wan me wan nendere biwine ârândân akmap

aregât luâk siâŋe nâŋgât nâŋgâniŋdo wangât bo bâlimap.

³⁰ Akto nâ Anutuŋe han kalemŋaet niŋepgât akmâ mepai meanmâ sot nendere wangât siâŋe nâŋgâm bâliniŋdâp?

³¹ Gârâmâ hin akbei. Ye sot sonŋo nemberâm me wan me wan akberâm Anutu okot âlep agaŋmâ kotŋe mem agatmâ mepaiŋe membei.

³²⁻³³ Akto nâ luâk keiŋe keiŋe arekŋe nekbiâ âlepŋe agâkgât neman. Dâ nunaet siâ siâ âlepŋe akmangât bo nâŋgâm luâk âmbâle dondâ den pat âlepŋe nâŋgâmbiâ Anutuŋe hêngemgoyekbiap dâm luâk âmbâle siâ siâgât ukenyeŋe meman. Akto ye hainâk Yuda luâk me Girik luâk bikŋe akto Anutugât luâk âmbâle yengât dewunyeŋân dosa bâlâk manbiâ yekbiâ bo bâliwiapgât yâk yengât nâŋgâyengyiwei.

11

Luâk âmbâle keinenŋe.

¹ Galalupne, nâ Kristo wan me wan miep are hainâk meman aregât ye hainâk nâŋgât agak memene watbei.

² Ye nâ wan me wan agân are nâŋgâm makmâ hâre hârenaet den are watmâ mali are nâŋgâre âlepŋe aktâp.

³ Dâ ire siâ maktere nâŋgâŋet. Anutu âmâ Kristogât Kautŋe akto Kristo âmâ luâk nengât Kautnenŋe akto luâk amâ âmbâle yengât kautlupyene.

⁴ Aregât luâk siâ sâŋumŋe kautŋe tigim kinmâ Anutu ulilaŋbiap me Anutugât den dât makmâ miawakbiap amâ kautŋe aŋun meanbiap.

⁵ Me âmbâle siâ sânġumne kautne bo tigim kinmâ Anutu ulilanbiap me Anutugât den dât makmâ mi-awakbiap are âkâ hainâk kautne aġun meanbiap. Akto âmbâle gulip manmai olop are dopyeġe konogâk aktâp.

⁶ Aregât keiġe amâ hin. Âmbâle siâ Anutu ulilanberâm kautne bo tigim kinmâ hâkne mem agatmap aregât yeġe âmbâle bâleġe siâ kautne dumutne hârem anditmai aregât âmbâle are aġun aġġiâkgât kautne dumutne hârem anditbai. Dâ âmbâle hain arekne aġun aġim âmâ benġe âlepne kautne tigim manbiap.

⁷ Luâk âmâ kautne bo tigim manbiâp. Yâk Anutugât tirip akto Anutuġe ikeġe kârikne mi-awagâkgât mânginenegep. Dâ âmbâle amâ luâkgât pagaleġe ulikne.

⁸ Luâk amâ âmbâle gâlânba uliknân bo mi-awagep. Amâ âmbâleġe luâk gâlânba miawagep.

⁹ Akto Anutuġe luâk âmbâlegât akmâ manbiapgât bo mângieġ. Bo. Amâ âmbâleġe luâk tângom manbiapgât mângieġ.

¹⁰ Aregât âmbâleġe luâkgât amuknân mandâpgât sânġumne kautne tigiangim manbiâp. Amâ yân mando Aġeloġe ekbiâ bâliwopgât.

¹¹ Aregât hanâk luâk ikeġeâk ikeġeâk manmâ âġâwai me âmbâle ikeġeâk ikeġeâk manmâ âġâwai aregât Kembuġe âmâ bo makmâ hârieġ.

¹² Gârâmâ Anutuġe luâk mem âmbâle ketugueġ. Dâ hinġe âmbâle memelupnenġe yeġgâlânba luâk miawakmaen. Akto siâ siâ are hârok Anutugâlânba miawagion.

¹³ Aregât ye yeġeâk den are mem nâġġâm

hengemgom potatbei. Âmbâleŋe kautŋe bo tigiakmâ Anutu ulilaŋbiap are âmâ agak meme âlepŋe me gain? Bo.

¹⁴ Aregât keiŋe hin. Luâk âmbâle nengât agak meme âmâ hekat yeŋgimap. Âmâ benŋe hin luâk siâ dumutŋe kâlep are âmâ bo huraguâp.

¹⁵ Dâ Anutune tigiakŋet dâm âmbâle dumutyenŋe kâkâlep yeŋgiep are âmbâle dumutyenŋe kâkâlep are âmâ âlepŋe.

¹⁶ Akto luâk siâŋe iregât denŋe borâm hâkân akmâ kuk akbiap âmâ yâk âkâ hin nâŋgâm hengemgowiap. Anutugât kâmotlupŋe aposolo nen amâ âmbâle kautyenŋe tigiangim manbei dâm manmaen.

Kembugât sot hilipkoyi.

¹⁷ Akto den siâ hin. Ye mendugum kinbiâ agak meme âlepŋe bikŋeâk miawakmap. Dâ agak meme bâleŋande dondâ miawakmap. Are nâŋgâre bâliâp.

¹⁸ Akto yekâ agak meme hin akbei. Yeŋeâk miti emetŋân âgâm hârem potalakmai. Nâ den iregât bunŋe me gain dâm bikŋe nâŋgân.

¹⁹ Akto ye hain akbiâ âmâ hâmbâi luâk âmbâle bikŋe agak meme âlepŋân manmai are tektekŋân miawakbiâ yekbai. Are miawagâk dâm hâreakmâ awam mewam akmai are yeŋgâlân miawaktâp.

²⁰⁻²¹ Akto yeŋgât agak meme hin nâŋgân. Ye mendugum kinmâ konok konok hârogâk dowâk yeŋaet sot areâk nemai. Hain akbiâ bikŋe âmâ mop yeŋe aguep. Dâ bikŋe âmâ tu kârikŋe dondâ nem biwi gulip akmai. Aregât ye Humonennŋaet sot bo nembai. Bo.

²² Ye sotgât nângâm âmâ benñe emetyenân tatmâ ain sot tu nembei. Agak memeyenñe nângâm hin dân. Yenñe âmâ Yesugât kâmot yenñgât nângâmbiâ yânñe akto galalupyenñe sot bo tatyenñimap are bikñe bo yenñimai are âmâ yenñimbiâ anñun meyenñimai. Nâ yenñgât gain gain makbe? Nânñe hanâk yenñgât kotyenñe mem agatbian me bo? Bo, agak meme akmai are nângâre kambiamne bâliep.

Kembugât sotgât den.

²³ Akto Humonennande sot aregât keññe hekat niñdo emelâk makyenñiân are lâuwânñe makbe. Hândâkñân Yudasi Yesu gasalupñaelân katberâm agep sop ain Yesu Humonennñe sot mem

²⁴ Anutu âlepñe dâm mepainñe mem maganñmâ munditmâ hin dêep, “Nunaelân dop katmâ makyenñire nângânñet. Nânñgât pat nelâm yenñiwopgât sot ire nem manbei.”

²⁵ Hain dâmbo nembiâ bo akto wainñ hâpurâ siâ mem hin makyenñiep, “Wainñ irekñe Anutugât dâp irakñe miawakbiapgât nugumbiâ gilâmne gewerâp aregât dopñe aktâp are nelâm yenñiwopgât tu ire nem manmâ âgâwei.” dêep.

²⁶ Ainba âmâ Humo moep aregât den pat makmâ âgâwei ye sot tu nem akmâ âgâm manbiâ Humonennñe togowiap.

²⁷ Hain gârâmâ luâk âmbâle siânñe kotñe hanâk hanâk akmâ tu sot are nembiap amâ Humonennñeet gilâmñe kâim hâkñe yenñimbo kombiâ moep are hâkânñ akmâ mando dosa miawaganñbiap.

²⁸ Aregât dosa Anutunñe kondo bâlenñe humo miawaganñbiap aregât ye nem kinbaiân ainâk bi-

wiyenje ekbei. Biwiyenje ekbiâ ârândân akto ainâk âgâm sot tu nembei.

²⁹ Luâk siâ Kembugât sot bunje bo ekmâ nânğanmâ hengemgom nembiap yâk âmâ dosa membiap.

³⁰ Dâ yengâlân gâtne hanâk hanâk agi aregât kundat mem miawakmâ bikne mom meteyi.

³¹ Gârâmâ nen biwinenne mem potatmâ hengemgoyion dâine Humonennde umatne ire bo nengimbo miawakbop.

³² Dâ Humonennde umatne ire nengiep aregât hin nânğâmaen, “Humonennde biwinenne orem miwindik nengiepgât hain agep.” dâmaen aregât siân hângât luâk âmbâle denân hâkyenje tunbiap ainâk nen tunbop.

³³ Hain gârâmâ Anutugât sot nenegât mindugum bikne yengât âkâ lâmyengumbiâ togom metembiâ nembei.

³⁴ Akto mindugumbiâ gulip akto Anutunje hâunje yengiwoygât hin akbei. Yengâlân gâtne biknande sotgât mopne agumbo âmâ uliknân yenje emelan nembai. Gârâmâ den bikne amâ nunak togomân âmâ makmâ hengemyenguwian.

12

Heakne âi memap.

¹ O Galalupne, Anutugât Heakne yâkne âigât wan me wan nengimap, aregât pâpkowâi dâm makyengiwe.

² Ye nânğâi. Uliknân bâlene ambolupnande siâ me siâ lâpio den bo makmai yengâlân olon yekbiâ yekâ lâpio yengât nânğâmbiâ bunje agep.

³ Akto siâñe Yesu bâlenñande kondo bo akbiap dâmbo âmâ Anutugât Heakñande kautñân bo memap. Dâ luâk siâñe Yesu amâ Humonenñe dâmbo âmâ Anutugât Heakñande kautñân mendâp are nâñgâm hengemgowei.

⁴ Akto Anutugât Heakñe konogâk tatâp gârâmâ kautnenñân mem okot âlepñat nengimbo kulem kotñe hârok miawak nengimap.

⁵ Dop hainâk âi wan me wan dondâ tatnengiâp gârâmâ Humonenñe konogâk tato hon bawa agañmaen.

⁶ Hainâk Anutuñe konok âi kotñe hârok nengimbo âi are âlepñe kenunmaen.

⁷ Aregât keiñe hin. Anutuñe Yesugât kâmot hârok âlepñe manbai dâm ikinâet Heakñe hunñunandon tânaguwaengât konok konok meme aknengimbo âi siâ mem kârikñe kenunmaen.

⁸ Aregât nengâlân gâtñe siâ Anutugât Heakñande meme agañdo den bunñe makyenñimap. Dâ nengâlân gâtñe siâ âmâ memene agañdo nâñgâ nâñgâ âlepñe nâñgâm manmap. Gârâmâ Heak konokgât.

⁹ Heak kârikñe arekñeak agañdo han biwiyenñe Yesu nâñganñmâ kârikñeâk katmâ manbai. Dâ Heak Kârikñe arekñeak luâk siâ agañdo diwirâ kundatdâ makto âlepñe akbai.

¹⁰ Dâ siâñe âmâ kulem memap. Dâ siâñe âmâ Anutu wan me wan akbiap aregât keiñe maknengimap. Dâ siâñe âmâ sinduk baniara yâkgât keiñe nâñgâm potat yekmâ ire âlepñe ire bâlenñe dâm aregât nâñgâmap. Dâ siâñe âmâ den siâ siâ makmap. Dâ siâñe âmâ den siâ siâ are nâñgâm nengât denân purikmâ keiñe maknengimap.

11 Akto wan me wan ya maktân ire amâ Anu-tugât Heakñe konok irekñeak nângâ nângâ dondâ mem ukenñaet akmâ kinmâ kinmâ nângâ nângâ are Yesugât kâmot konok konok siâ siâ ârândân nengimap.

Hâknennje amâ konogâk, dâ siâ me siâñe amâ dondâ.

12 Ya maktân aregât den dopñe kulemgowe. Luâk amâ hâk nennje konogâk amâ siâ siâñe hârok âmâ dondâ. Akto siâ siâñe hârok amâ hâk konogâk are dop hainâk Kristogât kâmot dop konogâk ak-maen.

13 Akto Kristogât kâmot nen amâ siâ siâ Yuda luâk âmbâle akto Girik luâk âmbâle akto biken amâ hoñ bawa manmai dâ siâ amâ luâk kotdâ man-mai gârâmâ Anutunje hanâk dâm ikinjaet Heakñe hungun anđo meme wâtñe aknengimbo hâk biwi konogân agion.

14 Hâk are amâ konok bo. Amâ siâ me siâñe dondâ.

15 Aregât keinennjande hin dâwop, “Nâ bânñe bo aregât nâ hâkgât bo tatman.” dâwop. Keinenñe amâ hâknennjaet bikñe.

16 Akto ondopnennje hin dâwop, “Nâ hâkgât dewunñe bo aregât nâ yân hâkgât bo agân.” dâwop. Âlepñe ondop nennje âmâ hâknennjaet bikñe tatâp.

17 Akto nengât hâknennje dewunnennje humo konok akmap dâine ondopnennje bo tato den bo nângâwâen. Akto hâknennjaet ondopnennje humo konok akmap dâine hâme nennje bo tato higenñe bo nângâwâen.

18 Dâ hâknennje hain bo. Anutuñe ekmâ nângâm kinmâ nângâ nângânân luâk dewatim konok konok hârok kalep.

19 Akto hâknennje ikinêâk biknêâk konok dâine hâk bunñe amâ bo tatnengiwop.

20 Amâ hain bo. Hâkgât siâ siâne dondâ. Dâ amâ hâknennje konogân akmap.

21 Akto dewunnennjande bâtnennje hin maganbop, “Gâ bo tatât dâine nâ nunak âlepñe tatbom.” dâwop. Me kautnennjande keinenñe hin dâm bo maganbop, “Gâ bo tatât dâine nâ nunak âlepñe tatbom.” dâwop.

22 Hain bo hâknennjaet biken amâ kârikñe bo dâmai are bo tatâp dâine hâk ire âlepñe bo tatbop.

23 Akto nengât hâknennje bikñe ekbâirâm are sânğumñe âlepñe tigimaen. Akto hâknennje bikñe âlepñe dâmaen are amâ bo tigimaen.

24 Gârâmâ Anutuñe hain bo akmap yâk hâk keñe hârok mem mendugum ketuguep. Aregât hâknennje bikñe kotñe bo dâmai are Anutuñe kot dondâ yeñgonlep.

25 Yâkñe hain agepgât âmâ hâknennje hogoakmâ biken biken akbop. Dâ biken biken tânagum kinbaigât Anutuñe hâknennjân kotñe bo are dâmaen ikinêâk ikinêâk yeñgonlep.

26 Aregât hâknennjân konokñe hâk hilâlâmñe nângâmbo hainâk hâknennje hârok hilâlâm nângâmaen. Dâ hâk bikñande âlepñe kinbiâ hârok heronje akmai.

27 Den ginñe yu kulemgoân aregât keñe hin. Ye Kristogât kâmot hâkyenjaet dop hainâk konogân agi. Akto ye konok konok Kristogât hâkñe siâ siâne

akmâ manmai.

²⁸ Akto Anutunje Yesugât kâmot are hutnennân hin katnenegep. Nengâlân ulik gulik bikne Aposolo aknet dâm katnenegep. Dâ haminân luâk bikne Anutunje wan me wan akbiap aregât keiŋe makbiâ nâŋgâmaen. Dâ haminân luâk bikne den kepikmâ makyenŋimaen. Dâ haminân kulem kotne siâ siâ memaen. Dâ haminân kundatdâ hengeŋ yengumaen. Dâ haminân kârikne bo tatyenŋimap are tân yengumai. Dâ haminân puli me emet me âigât damunnenne akmai. Dâ bâiŋe âmâ den siâ siâ makmai. Luâk âmbâle ya yengondân are Anutunje âi aregât katyegep.

²⁹ Aregât Yesugât kâmot nen âmâ Aposoloâk hârok bo akmaen. Akto Anutunje wan akbiap are nen hârok bo makmaen. Akto hârokne bo den kepikmâ makyenŋimaen. Akto kulem siâ siâ hârokne bo memaen.

³⁰ Akto hârokne bo kundatdâ hengeŋ yengumaen. Akto hârokne den siâ siâ bo makmaen. Akto siâ siâ are nâŋgâm bo purikmaen.

³¹ Akto Anutugât Heakne memenje aknengimbo wan me wan âlepne bikne ewangiyekmai are egâlianmâ niŋben dâm Anutu ulilanbei. Dâ okot âlep nengimap aregâtne siâ siâ hârok ewangi yekmap aregât keiŋe makyenŋiwe.

13

Han kalemgât keiŋe.

¹ Galalupne, nâŋe âmâ luâk yengât kepia siâ siâyengât makmâ anelo yengât den hainâk makmâ âmâ han kalem bo akyenŋim âmâ makmakne amâ

yân munjeâk makman. Amâ gunğâne indemap hain makman.

² Me Anutugât nângâ nângâ katbiap are nângâm makyengiman me wan me wan yonâk tatmap are nângâm meteman me biwine kârikne kat katgât tatniŋdo aregât gimbâne maganđere biken arimap gârâmâ okot âlepgât dâp bo tatniŋdâp amâ yânne akman.

³ Me nângât siâ siâ hârok luâk âmbâle umburuk yenğiwiap me gasa togombiâ hanâk manmanne bo gangerâm âmâ hâkne hâkâne dâre kâlâwân katnekiâ ombiap. Dâ amâ han kalem bâlâk manman âmâ siân âi aregât hâuŋe bo miawakniŋbiap.

⁴ Akto luâk siâ han kalem akmâ okot âlep agakgât talaŋbiap arekne siâ siâ aganmâ dowâk bo kutigitmai. Akto luâk dondâ tân yengumap. Akto luâk siâ me siâ undup miawaganđo are nângâmbiâ bo bâliwiâp. Akto âgâ âgâne bo akmap. Akto yenjaet nângâmbiâ bo âgâmap.

⁵ Akto luâk âgâ âgâne kotne hanâk hanâk bo makyengimap. Akto ikinjaet ukenne bo watmâ âmâ galalupne yengât ukenyene watmap. Akto kambiamne dowâk bo bâlimap me yâkgât akmâ bâli anbiâ are yengât bo nângâmap.

⁶ Yâk bâlenande sambelem arimbo nângâmbo âlepne bo akbiap. Dâ den pat âlepñande sambelem arimbo nângâmbo ârândân akbiap.

⁷ Yâkne umatne siâ siâ hârok lokomap. Akto hilâm ârândân Anutugâlân biwiŋe humo katmap. Hain akmâ Anutugât mârum lâmgomap. Akto umatne siâ siâgât kârikne akmâ kinmap.

⁸ Akto okot âlep agak meme are amâ dowâk bo boakbiap. Are amâ manmâ manmâ âgâwiap. Dâ

Anutugât den âlepne makmak arekne âmâ âine bo akbiap. Akto den siâ siâ keine keine are amâ bo akbiap. Akto nângâ nângâgât âi meme arekne âmâ âine bo akbiap. Dâ okot âlep agakgât amâ bo boakbiap.

⁹ Akto hinne âmâ nângâ nângânenne amâ bikneâk bikneâk nângâmaen. Akto Anutugât den âlepne are hainâk bikneâk bikneâk makmaen.

¹⁰ Dâ hâmbâi âmâ wan siâ âlepne dondâ arekne miawak nengimbo âmâ sop ain siâ siâ bikneâk bo akbiap.

¹¹ Uliknân nâ nananân manminiân sop ain nanan yengât den hogoân. Akto nanan gurukne han nângâm manminiân. Akto nananyengât nângâ nângâ hain nângâminiân. Dâ hinne amâ luâk humo akmâ kinmâ nanan agak meme are hepulân.

¹² Akto nen âmâ tu bâtgumjân enem dewunnenne egakmaen are amâ gulip milip akmap. Gârâmâ hâmbâi sop humoân ain âmâ Anutugât enem dewunjân miawâk ekbaen. Akto hinne âmâ bikneâk bikneâk nângâmaen. Dâ hâmbâi âmâ Anutune keijnânbak nenekmâ nângâm hejgemgo nengiep dop hainâk wan me wan hekatnengimbo hârok ekmâ nângâm hejgemgowaen.

¹³ Aregât wan me wan amâ hilâmne hilâmne tatmâ âgâmap are âmâ biwi Anutugâlân kat kat agak meme akto Anutugât lângo lângo are akto okot âlep kat kat are. Dâ ire konok amâ âlepne dondâ hârok ewangiyekmap, okot âlep agak meme are.

14

Den siâ siâ magi aregât den.

¹ Galalupne, ye okot âlep agakgât kârikne akbei. Akto okot âlep aknengimap aregât Heak âlepne siâ siâ nengimap are Anutu ulilanmâ membei. Dâ âi ulik gulik are âmâ hâk hilâlâm akmâ membei amâ hin. Anutugât den âlepne makmak aregât Anutu ulilanbei.

² Aregât keiņe makyenģiwe. Luâk siâņe den siâ me siâ makberâm âmâ Anutu konok maganģbiap. Dâ luâk olop kinbai arekne Heakne meme aganģdo den siâ me siâ irakne tiktikne makto aregât yâkgât den bo nânģâmbiâ denņe arekne bo tânyenģumap.

³ Dâ luâk siâņe Anutugât den âlepne makbiap arekne amâ luâk âmbâle tânyenģum nânģâ nânģâyeņe are mem kârikne ketugumap. Akto agak meme âlepne akņetgât goanģyekmap. Akto biwiyeņe mem âlepne ketugum henģem yenģumap.

⁴ Dâ luâk siâņe den siâ siâ makbiap amâ iķiņe nânģâ nânģâ mem kârikne ketugu akmap. Siâ bo tânyenģumap. Dâ luâk siâņe Anutugât den âlepne makmap are amâ Yesugât kâmot mem kârikne ketugu yekmap.

⁵ Ye hârok den siâ me siâ are makņetgât amâ ewiâk. Dâ Anutugât den pat âlepne makyenģimbiâ nânģâmbiâ amâ ârândânģ donďa akmap. Luâk siâņe Anutugât den pat âlepne makmap arekne luâk den siâ me siâ makmap are ewangimap. Gârâmâ den are purikmâ yenģaet denân makyenģimbo ârândânģ âlepne akmap.

⁶ Aregât siâkâ makbe. Nâņe yenģâlân aregen togom den siâ me siâ makyenģire amâ ye bo nânģâm henģemģomai. Akto togom Anutuņe den bikne niņep me nânģâ nânģâyeņe kârikne agâkgât

den are me Anutuŋe wan membiap aregât keiŋe makyenŋire âmâ ye den are dowâk nâŋgâmbiâ den arekŋe tân yenŋuwiap.

⁷ Aregât den dopŋe siâ makbe. Siâ me siâ golâ bo akmai yânŋe kamam me lâmun are âmâ konbiâ munŋe âlepŋe bo akto âmâ gain gain nâŋgâwaen.

⁸ Me luâk siâŋe kukgât kot pâpkom kondo bâtâŋe indembo âmâ tembe loko kuk akberâm bo henŋem aguwai.

⁹ Yu maktân are bâleŋe indembo luâk bo nâŋgâwai aregât yeŋe dop hainâk luâk bikŋande den bo nâŋgâmai are makbiâ âmâ denyenŋe are yânŋe akmâ luâk âmbâle siâ bo tânyenŋuwiap. Amâ yân mesok gosok makbai.

¹⁰ Akto hânân den siâ siâ dondâ yendâp are âmâ luâk konok konok yenjaet den are nâŋgâmai. Akto keiŋe nâŋgâmai.

¹¹ Aregât luâk siâŋe ikiŋaet den nâ bo nâŋgâman are makniŋdo nâŋgâm, “Wei, luâk ire âmâ denyenŋe siân gâtŋe.” dâre yâkâ hainâk nekmâ, “Woe, luâk ire âmâ denyenŋe siân gâtŋe.” dâm makto nâŋgâ aŋgiwaet.

¹² Akto ye amâ hainâk ye Anutugât Heak âlepŋande memenŋe akyenŋimbo wan me wan okot âlepŋât miawak nengimap. Are memberâm kârikŋe akmâ Anutu ulilaŋmai aregât Yesugât kâmot kârikŋe yeâkgât aregâlâk nâŋgâm ulilaŋbei.

¹³ Hain gârâmâ luâk siâŋe den siâ me siâ makbiap âmâ ainâk Anutu hin ulilaŋbiap, “Den maktân ire mem purik katbiangât dop olowâk niŋbiat.” dâm ulilaŋbiap.

¹⁴ Aregât hin makbe. Nâŋe den siâ me siâ mak-

bian âmâ biwinânâk Anutu ulilanbian. Dâ nângâ nângâne are âmâ yân tato bo ârândân akbiap.

¹⁵ Aregât hin nângân, han biwine akto nângâ nângâne are hârok mem Anutu ulilanbian are âmâ ârândân akbiap hain nângân. Aregât ye hain nângâwei. Akto biwinânâk Anutugât kotnje mem agat agatgât kep memberâm âmâ ainâk nângâ nângâne olop kep membian.

¹⁶⁻¹⁷ Aregât benne ye hain bo akmâ âmâ bi-wiyenânâk makmâ Anutu okot âlepgât den bunne maganmâ den siâ me siâ maganbiâ denyenye arekne luâk âmbâle bikne Yesugâlân gâtne bo are bo tânyengumap. Bo tânyengumbo âmâ luâk âmbâle arekne denyenye bo nângâm hengemgom gain gain, “A bundâk.” dâm makbiap? Denjande bo tângombo aregât bunne bo makbiap. Aregât den âlepnêak makbiâ denyenye luâk âmbâle bikne tânyenguwîap.

¹⁸ Akto nâne ye hârok den siâ me siâ makmai aregât den siâ siâ makmâ ewangiyekman aregât Anutugât mepainje meman.

¹⁹ Dâ luâk âmbâle hârok mendugum kinbiâ ainâk âgâm den getek den yenân maktere nângâmbiâ nângâ nângâyenye kârikne akbiap are nângân. Dâ den siâ siâ bonângâmai are âmâ dondâ makyengim manbian aregât nângâre yânne aktâp.

Nanan gurukjande nângâmai han hainare bo ak-baen.

²⁰ Galama, ye nananje han nângâmai hainare bo nângâwei. Dâ agak meme bâlenye are âmâ nananje bo nângâmai ye gai hainâk bo nângâwei. Dâ nângâ nângâyenye nananj yengât hainâk bo akmâ âmâ luâk âmbâle nângâ nângârâ yengât hainâk akbei.

²¹ Anutuŋe makto kulemgoyi biken hin tatâp,
“Humoŋe hin dâep, “Luâk bikŋe denyenŋe siâ
Yuda luâk are yengâlân hungun yengire arim
denyenŋe siâ makyengimbiâ Yudagâtŋande
hanâk dâm misik nâŋgât laune bo lokowai.”
Humoŋe hain dâep.”

²² Aregât luâk siâŋe kepia siâgât den makto
âmâ den arekŋe Yesugât kâmot are Anutu mandâp
aregât keiŋe bo makyengiwo. Dâ den arekŋe luâk
âmbâle biwiyeŋe Yesugâlân bo katmai are Anutu
mandâp aregât keiŋe hekatyengimap. Akto Anu-
tugât den âlepŋe makmak are âmâ luâk âmbâle
biwiyeŋe Yesugâlân bo kali are yengât bo. Are amâ
Yesugât kâmot are yengât.

²³ Aregât ye Yesugât kâmot mendugu akmâ den
siâ siâ makbiâ luâk âmbâle nâŋgâ nâŋgayeŋe bo
me biwiyeŋe Yesugâlân bo kali arekŋe âkâ âgâm
âmâ yekmâ, “Woe, Yesugât kâmot sinduk akmai.”
dâwai.

²⁴ Gârâmâ ye hârok Anutugât den âlepŋe makbiâ
luâk siâŋe nâŋgâ nâŋgayeŋe bo me biwiŋe Yesugâlân
bo kalep arekŋe nâŋgâmbo denyenŋe arekŋe biwiŋe
erâmbo ikinâet agak meme bâleŋe nâŋgâmbo ye are
ekmâ yâkgât keiŋe nâŋgâm hengemgowai.

²⁵ Akto yâkgât bâleŋe miawakto aregât hâkŋe
mendo gembo Anutugât kotŋe mem agatmâ
yekmâ hin dâwiap, “Bundâk, Anutu hutyenân
tatâp.” dâwiap.

*Mitigât menduguwerâm âmâ han gâliwân bo
menduguwaen.*

²⁶ Hain gârâmâ gain akbai? Menduguwaiân siâ
amâ kepgât. Dâ siâŋe âmâ makyengiwiapgât mem-

biâp. Dâ siâ âmâ Anutuñe wan me wan akbiap aregât keñe makyenñiwiap. Dâ siâ âmâ den siâ siâ makbiap. Dâ siâ âmâ den are purikmâ den yenân makbiâp. Are amâ hârok luâk âmbâle mem kârikñe ketugu yekmapgât.

²⁷ Akto hanâk dâm den siâ siâ makberâm akbiâ ainâk luâk konok me lâuwâ areâk den siâ siâ makbai. Akto hârokñe olowâk den bo akbai. Siâñe soñ makto siâñe hamiñân makbiap hain akbai. Hain akbiâ âmâ siâñe âmâ den are purikmâ makyenñiwiâp.

²⁸ Dâ den purik purik luâk bo tato âmâ luâk den siâ me siâ makmai arekñe menduguwaiân ain yân kinmâ ikinak Anutu olop den akbiandat.

²⁹ Akto Anutugât den âlepñe makmai arekñe lâuwâ me âlâwu akmâ konok konok makbei. Hain akbiâ luâk âmbâle bikñande den mem potatmâ nângâm hengemgowai.

³⁰⁻³¹ Akto Anutugât den âlepñe are konok konok makbiâ ye hârok nângâmbiâ nângâ nângâyene kârikñe akto biwiyene owâine agakgât hin akbei. Yâkgâlân gâtñe siâ tato Anutuñe den siâ kalandô âmâ benñe luâk emelâk kinmâ makyenñimap are âmâ âlepñe makyenñim metemboân ainâk âlepñe agatmâ makyenñiwiap.

³²⁻³³ Akto Anutu amâ gulip melipgât amboñe bo. Yâk amâ biwinenñe sânduk gewiapgât amboñe akto lumbegât amboñe aregât Anutugât den makyenñiwerâm âmâ yenâet biwiyene damunñe akmâ kinmâ makyenñiwei.

Âmbâleñe mitigât mendugum tatmâ den bâlâk tatbei.

³⁴ Akto Yesugât kâmot hârok mindugum kinbiâ ainâk âmbenlupyenande bo makyenġimai. Yenġât âmbenlupyenê menduguwaiân yân tatbei. Yâkne den bo makbei. Yâkne âmâ amukyenân tatbai areġât keiġe Anutuġe makto Mosenê kulemgoep hain tatâp areġât âmbenlupyenê menduguwaiân âġâm âmâ yân nânġâmâk tatbei.

³⁵ Akto âmbâlenê mete kinmâ makyenġimbo âmâ bo ârândân akmap areġât yâkne den siâ keiġe nânġâwerâm akbai âmâ emetyenân tatmâ luâklupyenê aiyenġuwai.

³⁶ Akto yenġât agak meme nânġâre bâlenê aktâp. Ye hin dâmai, “Anutugât keiġe nengâlân soġ mi-awagep akto nenġeâk Anutugât keiġe nânġâmaen.” ye hain nânġâmai aten.

³⁷ Akto areâk bo. Yenġâlân bikne agatmâ hin dâmai, “Anutugât keiġe emelâk nânġâm meteyion akto Anutugât Heak âlepġande kautnennân mendo nânġâ nânġânenġe humo agep.” dâmai amâ hin nânġâwei. Den yu nânê kulemgoân ire âmâ Humo-nennâet den kârikne oyanbiâ bunġe akbiâp.

³⁸ Akto hain bo nânġâmbiâ areġât nenġe luâk areġât bo nânġâ aġmâ manmaen.

³⁹ Galalupne, den kâlep yu kulemgoân areġât keiġe bâlensiâ Anutugât den makyenġiwai areġâlâk nânġâm Anutu ulilanġbai. Akto siânġe den siâ me siâ makberâmbiâ bo kom hârewei.

⁴⁰ Hain akmâ nânġâm mem henġemgowei akto menduguwaiân han biwi konok akmâ manbei.

15

Yesu momoġânba agalep.

¹ Galalupne, nâñe emelâk Anutugât den pat âlepñe makyenjiân. Makyengire ainâk nâñgâm mem manmâ gayi. Akto ye hinñe den pat âlepñe aregât kârikñân kinmai aregât keñje nelâmyenjiwopgât yu kulengoân aregât nâñgâ nâñgâyeñje hulañagâkgât ire makbe.

² Akto ulikñân bo henengiât dâm den pat makyenjiân are kârikñe membiâ Anutunje henjemyenjuje. Dâ denñe hâkâñe akbiâ âmâ den henjemyenjuje are yânñe akbiap.

³ Humonenñande den umatñe are soñ makniñep are mem makyenjiân are keñje amâ hin. Ulikñân Anutunje makto kulemgoyi bunñe akto Kristonje nengât dosanenñe watberâm akmâ aregât mondo dosanenñe bo agep.

⁴ Mondo sumân hangombiâ yem hilâm âlâwuñân yem momonânba agalep aregât keñje amâ Anutunje makto kulemgoyi.

⁵ Akto momonânba agatmâ Petoro miawaganjo egep. Haminân hon bawalupñe keiân konok yengâlân miawakyeñjimbo egi.

⁶ Benñe haminân luâk âmbâle hanyenñe yâkgâlân kali dondâ are yengâlân miawakyeñgiep. Akto Yesugât kâmolân gâtñe 500 hain are ain kinbiâ are yengâlân miawakyeñjimbo egi. Akto luâk âmbâle are âmâ bikñe hinñe mandâi. Dâ amon siâ emelâk moyi.

⁷ Benñe ainba Yakobo yâkgâlân miawaganjep. Benñe aregât haminân Aposolo hârok yengâlân miawakyeñgiep.

⁸ Akto bâñe memenñande nanan mesokmâ panmap nâ dop hain akmâ miawakmâ malân

nângâlân miawakniŋdo egân.

⁹ Aregât nânġât keine hin. Yesugât Aposololupŋe bikŋande nâ ewangi nekbiâ yânŋe agân. Akto nânġe Anutugât kâmot Yesugâlân biwiyenġe kali are hilip yenġuân aregât luâkŋe Aposolo dâm bo yenġonmai nâ hain are agân.

¹⁰ Gârâmâ bâlenġe agân are hâuŋe Anutuŋe bo niŋmâ damunne akmâ han kalem akmâ meme akniŋep aregât agak meme hinŋe meman. Akto Anutuŋe okot âlep nânġâ niŋep are yân bo tatâp. Nânġe âi kârikŋe mem Aposolo bikŋe ewangi yegân. Are âmâ nunak bo. Anutuŋe okot âlep niŋmâ memenġe akniŋep arekŋe nânġât agak meme are mem miawagep.

¹¹ Akto hanâk nânġe me Aposolo bikŋe makyenġienŋe nânġâyî aregâlâk bo nânġân. Biwiyenġe Yesugâlân kali aregâlâk nânġân.

Yesu golâ akmâ agalepgât nenâkâ golâ akbaen.

¹² Akto yenġâlân gâtŋe bikŋe hin dâmai, “Luâk âmbâle moyî are âmâ bo agatbai.” dâmai are nânġâre dondâ bâliep. Akto nenŋe Yesu mondo Anutuŋe goanġo agalep aregât denŋe makmaen aregât wangât hutyenġân gâtŋe bikŋande hin dâmai, “Luâk âmbâle moyî are âmâ bo agatbai.” dâmai?

¹³ Dâ luâk âmbâle momonânba bo agatbai den are bunŋe dâine hin dâwâen Anutuŋe benŋe Yesu gai bo goanġo agalep dâwâen.

¹⁴ Dâ Anutuŋe Yesu bo goanġep dâine nenŋe den makmaen ire bunŋe bo akbop. Akto biwiyenġe Yesugâlân kali are hainâk bunŋe bo akbop.

¹⁵ Dâ hain dâine nen Anutuŋe Kristo goanġo agalep dâmaen nen âmâ Anutugât keinġe makmaen

den are hianjim mem bâliwâen. Amâ momonjande bo agatbâi.

¹⁶ Dâ Anutunje luâk momonjânba bo oloņ yekmap dâine Yesu gai hainâk bo oloņbop.

¹⁷ Dâ Anutunje Yesu bo oloņep dâine ye biwiyenje Yesugâlân kalî are bâliwop akto dosayenje olowâk manbâi.

¹⁸ Akto luâk âmbâle biwiyenje Yesugâlân katmâ kinmâ moyi arekâ hainâk yân manmâ âgâwâi.

¹⁹ Akto nen hân iregât manman âlepņe aregât han biwinenņande Kristogâlân nâņgâm kepilâmaen nenâmâ manman âlepņe are bo miawak nengimap are bunņe bo dâine nengât umatņe dondâ arekņe luâk âmbâle siâgât umatņe ewangimap arekņe miawak nengiwoņ. Aregât luâk âmbâle hârokņe nengât okot nâņgâ nengiwaî.

²⁰ Gârâmâ hain bo. Kristo emelâk mondo Anutunje goaņdo agatmâ luâk momoņe yâk ulikņân akyengim agalep.

²¹ Amâ hingât. Ulikņân Anutunje luâk konok kotņe Adam are ketugumbo malep yâk âmâ nengât keinenņe aregât yâk bâleņe akto momogât pat miawakto luâk âmbâle hârok momaen. Dâ hainâk Yesu Kristo amâ luâk konok Humonenņande gem mondo goaņdo agalep.

²² Aregât Adam gâlân dewatim mom metemaen. Dâ Kristo oloņ dewatim akmaen nenņe âmâ mom âmâ agatbaen.

²³ Hain akmâ âmâ Anutunje magep dopņân agatbaen. Hin. Moyi are yengâlân Kristoņe soņ ulik gulik agalep. Akto hâmbâi purik katmâ miawakbiawân nen Yesugât kâmolân gâtņe nen hamiņân âmâ agatmâ manman golâk manbaen.

24 Sop ain âmâ siâ siâ hârok bo akbiap. Akto Anutugât Nanņande Anutu wan me wan hârok are nengât kautņe Humo akbiapgât dâm Eweņande siâ siâ amukņân kalep. Sinduk baniara bâleņe akto gawamangât âi are gai kondo bo akbiap.

25 Akto âi luâk kautnenņe akto luâk kotdâ akto luâk kârik kârikņe are Nanņaet keiņaet amukņân kato tâliyekbiap benņe yâk kautnenņe humo akbiap ain hârok Eweņe wanņbiap.

26 Tatmâ âgâm âgâm gasa are erâm hambu yekbiap. Dâ bânņe gasa konogâk tatbiap are âmâ momogât dop akai bâin dâm kondo bo akbiap.

27 Aregât Anutunņe Kristogât makto kulemgoyi bikņe hin tatâp, “Anutunņe ikinņe hoņ bawagât amukņân siâ siâ katbiap hain tatâp.” Gârâmâ Anutunņe hain akbiawân ikinņe amukņân bo kalakbiap. Akto sop humoân den are bunņe akto aregât Kristonņe âmâ luâk âmbâle me wan me wan kotņe hârok kautnenņe tatbiap.

28 Hain akmâ bâin dâm Amboņande wan me wan nanņaet amukņân kato talep yâkņe hârok damunyeņe agâkgât amukņân tatmâ manmâ âgâwiap.

29 Akto yenğâlân gâtņe bikņande momoņe tânyenğuerâm tu pulinenekņet dâm manmai. Dâ Yesu agalep den are bunņe bo dâine momoņe siâņe bo agatbop amâ momogât akmâ bikņande wangât tu puliyekmai?

30 Dâ nen hainâk wangât umatņân manmâ bâsok momaen? Den makyenğimaen are bunņe bo dâine emelâk den are hepundenņe bo hilip nenguwâi.

31 Yesu Kristo Humonenņe nâ akto ye henğem nenguep aregât yenğât ukenyeņe akman aregât

hin makyengire nângânet. Hilâm ârândân nâne âi meman âmâ momogât pat meman.

³² Akto hângâlâk nângâmai nâ hainâk akman dâine wangât Epeso kepiân songo metne hainare olop aguagân. Aregât wan siâ bunne miawakniñbiap? Akto hângâlâk nângâmai arekne hin dâmai, “Hâmbâi mombaen aregât dowâk sot tu nemâk herone akbaen.” dâmai. Akto Yesu bo agalep dâine nenne hain dâwâen. Hângâlâk nângâwâen.

³³ Aregât biwiyene are bâliwopgât luâk âmbâle Yesu bo agalep dâmai are hepun yekbei. Nenne luâk bâlene olop bam gutbaen âmâ yâkne agak memenenne âlepne nenne hilipko nengiwâi are nângâm hengemgom âmâ hanokoakbei.

³⁴ Akto bikne hutyenânba Anutugât boâk nângâi den ire âmâ ye anun meyenngiân. Aregât momonânba agatbaengât nângâm hengemgom âmâ nângâ nângâ bâlene hepunbei.

Hâknenne towatne siâ mem agatbaen.

³⁵ Akto yengâlân gâtne siâne hin ainuguwiap, “Luâk momone âmâ gain gain agatbai? Akto hâk gain hinare mem togowai?” dâwiap aregât den hâne hin makbe.

³⁶⁻³⁷ Âmâ den kopane. Gâ sengo urutmenâ hân kâlegen yem nasukne akmâ bim âgâm âmâ pâtkom kâmpne gamap. Aregât gâ wan siâ siâ ya kâmetmat are âmâ yâne me momone hain are kâmetmat. Dâ are pâtkom âmâ hâkne golâ koane hain are bo pâtkomap are nângâm hengemgo.

³⁸ Anutune koane âmâ ikinne konok konok hâkne siânaet yengimap. Akto kâmetenne pâtkom âmâ

hainâk hâkne siâ siâ koane hinare bo pâtkomap aregât keiñe Anutune ikinak nângâm hengemgoep.

³⁹ Akto areâk bo. Anutune luâk me songo me duki kâwâluki are hâknenne konok bo katnengiep. Luâk nengât hâknenne siâñaet. Akto songo yengât are siâñaet. Akto lâut yengât are siâñaet. Akto injan yengât siâñaet.

⁴⁰ Dâ himbimân tatmai hâkyene siâ. Nen hânân manmaen nengât egeknenne amâ siâ. Akmâ himbimân tatmâ ariâi are kulemne siâ. Akto hânân tatmâ ariâi are kulemne siâ.

⁴¹ Dewutâ hilâmân gâtñaet are siâ akto hândâgân gâtne are siâ akto diâ are siâ siâ hârok are. Akto diâ pagaleylene konok bo. Keiñe keiñe tatâp.

⁴² Aregât luâk momone agatbaen are akai hainâk tatâp. Amâ hâknenne hangomaen are amâ hambumap. Dâ otnenenne akto hâknenne irakne Anutune mem agatbiap are bo hambuwiap akto bo bâliwiap.

⁴³ Akto hâknenne amâ pagalene olop bo aregât mombiap amâ yân kârikne bo tatbiap. Dâ agatbaenân amâ hâknenne irakne pagalene olop Anutune mem agatbiap are kârikne dondâ tatnengiwiap.

⁴⁴ Akto hâknenne tâmbâ ire amâ hângât aregât mondenne hâknenne hangombiâ hân akbiap. Dâ hâknenne irakne hâmbâi Anutune mem agatmâ nengiwiap are amâ manman kârikñaet.

⁴⁵ Akto Anutugât luâkne kulemgoyi bikne hin tatâp, “Luâk ulik gulik Adam yâk golâ akmâ agalep.” hain kulemgoep. Dâ beirâ Adam bânje hinare Heakdâ manman nengiwiapgât ambone agep

⁴⁶ amâ Heakdâ yâkņe ulikņân bo agep. Hânân gâtņe soņ ulikņân miawagep gârâmâ Heakdâ beirâ giep.

⁴⁷ Akto hân luâk ulikņe are amâ Anutņe hân nukum mem mângiep. Dâ beirâ luâk yâk âmâ himbimânba giep.

⁴⁸ Aregât hânân gâtņe malep hainâgâk hânân gâtņe manmai. Dâ himbimân gâtņe manmap dop hainâgâk himbimgât pat mem manmaen.

⁴⁹ Akto hinņe âmâ ulik gulik luâk Adamgât hâkņe hainâk akmâ manden aregât hângâlâk akmaen aregât hâmbâi himbimân gâtņæet dâwân manmap are amâ hainâk akmâ manbaen.

Yesu togombo âmâ himbim hâk membaen.

⁵⁰ Galalupne aregât siâkâ makbe. Hâknenņande amâ Anutugât manman âlepņe bo membiap. Akto siâ me siâ hambum torok akbiapņe siâ me siâ tat tat kârikņe are bo membiap.

⁵¹ Nâņgâņet. Imâ den tipņe siâ makmâ miawakyeņgiwe. Nen bo mom metewaen. Amâ nen hârok purik âgâm hâk siâ akmâ metewaen.

⁵² Amâ lâmun humo mun akto sân sânâk hain akbaen. Lâmun humo mun akto ainâk momoņande agatmâ mom hambu bâlâk manbaen. Nen hârok tirip siâ akbaen.

⁵³ Hâknenņe ire hambuwiap arekņe manman kârikņe are sânġum hinare lugumbo gewiap. Akto momogât patņande manman kârikņe lugumbo gewiap.

⁵⁴ Haingât hambum torok akbiap arekņe manman kârikņe lugumbo gewiap. Akto momogât patņande manman kârikņe lugumbo gewiap sop

ain Anutugât den kulemgoyi bikņe kârigewiap amâ hin,

⁵⁵ “Wei momogât pat kârikņeņe yâgâte? Akto momogât pat agakņe metņe hamepņe yâgâte? Amâ bo agep.”

⁵⁶ Amâ bâlenjaet patņande amâ momogât metņe hamepņe aktâp. Akto den kârikņeņe amâ bâlenjaet metņe hamepņe mem miawaktâp.

⁵⁷ Dâ Anutuņe Kembu nenņe Yesu Kristo aganđo manman gât kârikņe mem miawaknengimapgât mepaiņe meniâm.

⁵⁸ Aregât, galalupne, âlepņe yeņe kârikņe akmâ tâlim kârigem kinbei. Akmâ Kembugât âi sop ârândân kârikņe aganđmâ membei. Amâ Kembugât akmâ bunņe bo akbiap hain nânġâm âi mem manbei.

16

Yerusalem yeņġât puli mem arim yeņġiwerâm magep.

¹ Akto Anutugât kâmot tânyengune dâm puli katņetġât yu makbe. Nâņe emelâk Galatia hânân malân sop ain kepia siâ siâ arim Yesugât kâmot puligât keiņe makyenġiân areġât hinņe Yesugât kâmot yeņġiwerâm menduguwai ireġât den makyenġire nânġâm hainâk akbei.

² Sonda ârândân siâkâ ikinġeâk ikinġeâk tâwât dewunņe Sonda unġunân meyi areġât dopņân nânġâwei. Nânġâm kinmâ bikņe potatmâ heņgemgom katbiâ emet yeņân tatbiap. Hain ġârâmâ hâmbâi nâ togowianân areġât bo undâġâtâm amâ puli are dowâk mem miawakbai.

³ Akto hâmbâi nâ togore yeŋeak luâk bikŋe mem katyekbiâ luâk âlepŋe aregât kulem esenŋe yeŋgire Yerusalem luâk âmbâle umburuk manmai are yeŋgât okot âlepgât puli kali are yeŋgimbiâ ariwai.

⁴ Benŋe nâ olop arine dâre âmâ olop ariwaen.

Pauloŋe yâk yeŋgâlân ariwerâm sop kalep.

⁵ Galalupne togowian aregât keiŋe makyenŋiwe. Nâŋe Makedonia hânân arim kepiãŋe kepiãŋe âgâm bam gutmâ manmâ hân are hâtikowian aregâlâk nânŋân. Hain aktere bo akto âlepŋe yeŋgâlân togo miawakbian.

⁶⁻⁷ Akto hinŋe sop tâlâwâk olop tatmâ ye konok bo yekberâm dowâk ariwian hain borân. Dâ Humoŋe âlepŋe makniŋbiap âmâ benŋe ye olop tatmâ manmâ âgâwian. Tatmâ mandere tânâk sopŋe bo akto benŋe are hamiŋân siângen ariwian. Ariwerâre yeŋe tân nugum manŋan nekbiâ aregât kambiamne âlepŋe akto yâgâten me yâgâten dowâk âlepŋe ariwian.

⁸⁻⁹ Gârâmâ uŋak Epeso kepiãŋe âi humo tatniŋdâp âi ire mem âmâ makyengim mandere bunŋe miawakbiap aregât dop tatâp. Aregât nânŋât gasa dondâ yendâp. Are nânŋâm in tatere Heak giep aregât hilâm bo akbiap. Bo akto Makedonia ain arim manmâ manmâ hepunmâ yeŋgâlân togowian.

¹⁰ Akto Timoteo âmâ hinŋe Humogât âi nunak meman yâk hainâk Humogât âi memap aregât hâmbâi âmâ yâk yeŋgâlân togowiap. Togombo tângombiâ hutyenân biwi sânduk mem manbiap.

¹¹ Hain gârâmâ yeŋgâlân gâtŋe yâkgât nânŋâmbiâ yânŋe akto hamep bo aganbei. Dâ Paulogâlân

âlepne ariwian dâmbô âmâ yeukne ketugum benne hâmbâi dâp mem kalaŋbiâ yâk akto Yesugât kâmot bikne nângâlân togowei. Are lângoân aregât laune lokom tângombiâ biwine sândugembo bikne olop nângâlân togowei.

¹² Akto galanenŋe Apolo yâkgât den pat amâ hin. Nâŋe sop kâlep goaŋmâ hin maganân, “Yesugât kâmot bikne Korinti kepiariwerâm aktâi aregât gâ yâk olop ariwei.” dâre borâm kârikne aktâp. Dâ hâmbâi yâkne sop ekto âlepne akto yengâlân togowiap.

Den bâiŋe.

¹³ Galama, ye ekmâ hengemgom Humogâlân biwiyenê kârikne katmâ manbei. Akto gasa yengât bo hamep akmâ âi mem kârikne akmâ tatbei.

¹⁴ Wan me wan hârok memberâm âmâ are amâ galalupyenê akto Anutu agak meme biwi wan wanân okot âlepgât membei.

¹⁵ Akto yengâlân gâtne siâ kotne Stepana akto yâkgât kâmotne Akaia hânân yâkne soŋ biwiyenê Yesugâlân kali. Akto sop ainba ukenyenê akmâ Yesugât kâmot tânyengum âgâyi.

¹⁶ Nâŋe ye luâk hainare amukyenân tatŋet dâm goanyektân. Akto galalupne luâk dondâne kârikne akmâ âi memai yâk yengât amukjân manbei.

¹⁷⁻¹⁸ Akto ye nâ olop bo tatâi aregât kambiamne indeâp gârâmâ luâk âlâwu kotyenê Stepana akto Potunato akto Akaiko biwiyenê mem sândukne ketugumai aregât biwine âlepne akto heronê dondâ nângân. Hain gârâmâ ye hanâk luâk hainare yengât amukyenân manbei.

¹⁹ Akto Yesugât kâmolân gâtne Asia in man-
mai arekne yengât nângâmbiâ herone akmap akto
luâk âmbâi lâuwâ kotyetne Akuila akto Pirisila
akto Yesugât kâmot emet yetnân âgâm mindugum
kinmâ Anutugât pat makmai are Kembugât akmâ
egâlian dondâ akyengiâi.

²⁰ Akto areâk bo. Nen ire hârok biwinenne
Yesugâlân kalion nenne yengât herone marone
akmaen. Akto ye Anutugât luâk âmbâle aregât
mangan akbei.

²¹ Akto emelâk maktân are maktere luâk siâne
kulemgoâp. Dâ den bikne ire âmâ Paulo nunak
okot nângâyengiân aregât bâtnande kulemgoân.

²² Akto luâk âmbâle siâne Humonnenjaet okot
âlep bo wanbiap Anutune yâk hilip kowiapgât
ulilandân. O Humonnenne gâ dowâk togowen.

²³ Humonnenne Yesu Kristone damunene
akmâ okot âlep akyengim memene akyengiâkgât
ulilandân.

²⁴ O Galalupne, ye Yesu Kristogât kâmot aregât
yengât okot âlep dondâ nângân.

Yusugât Pat Âlep Den
The New Testament in the Timbe Language of Papua
New Guinea
Nupela Testamen long tokples Timbe long Niugini

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Mar 2025 from source files dated 31 Aug 2023

03f82704-6ad1-5094-a78e-e240d9f2d4f8